

T-4

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 142. sjednici, održanoj dana 18.02.2022. godine,
d o n o s i

ZAKLJUČAK

I.

Utvrđuje se Prijedlog Zakona o dopuni Zakona o kantonalnim ministarstvima i drugim tijelima kantonalne uprave.

II.

Prijedlog Zakona iz točke I. ovog zaključka upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-02-2699/22
Datum, 18.02.2022. godine
Zenica

DOSTAVLJENO:

1x Ministarstvo za pravosuđe i upravu,
 1x Stručna služba Skupštine,
1x Stručna služba Vlade,
1x a/a.



PRIJEDLOG

Na osnovu članka 37. stavak 1. točka f) Ustava Zeničko- dobojskog kantona Skupština Zeničko- dobojskog kantona, na ____ sjednici održanoj dana _____ 2022. godine, d o n o s i:

**ZAKON O DOPUNI ZAKONA O KANTONALNIM MINISTARSTVIMA I DRUGIM
TIJELIMA KANTONALNE UPRAVE**

Članak 1.

(Dopuna članka 10.)

U Zakonu o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15) u članku 10. iza stavka (2) dodaje se novi stavak (3) i (4) koji glase:

„(3) U sastavu Ministarstva unutarnjih poslova je Uprava policije.

(4) Uprava policije vrši upravne i druge stručne policijske poslove utvrđene zakonom i drugim propisima.“

(5) Dosadašnji stavak (3) postaje stavak (5).

Članak 2.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko - dobojskog kantona“.

Broj:
Datum:
Zenica

PREDSJEDATELJ

Ćazim Huskić

I - PRAVNI OSNOV

Pravni osnov za donošenje zakona sadržan je u članku 37. točka f) Ustava Zeničko-dobojskog kantona kojim je propisana nadležnost Skupštine Zeničko-dobojskog kantona da donosi zakone i ostale propise za izvršavanje kantonalnih nadležnosti.

II - RAZLOG DONOŠENJA

Ministarstvo unutarnjih poslova (u daljem tekstu: MUP) , aktom broj: 08-02-06/1-02-1-214/22 od 24.1.2022. godine, predložilo je Ministarstvu za pravosuđe i upravu Zeničko - dobojskog kantona kao obrađivaču teksta Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), da pokrene proceduru dopune Zakona o kantonalnim ministarstvima i drugim tijelima kantonalne uprave Zeničko-dobojskog kantona, s obzirom na to da je Zakona o unutarnjim poslovima Zeničko-dobojskog kantona („Službene novine Zeničko- dobojskog kantona“, broj: 13/18, 6/19, 22/19, 21/20 i 10/21), kao lex specialis, za oblast unutarnjih poslova (članku 6.) definirao pravni status Uprave policije kao kantonalne uprave u sastavu MUP-a, čija je nadležnost, mjerodavnost, organizacija i način rukovođenja kao posebnog policijskog organa utvrđena Zakonom o unutarnjim poslovima Zeničko-dobojskog kantona („Službene novine Zeničko- dobojskog kantona“, broj: 13/18, 6/19, 22/19, 21/20 i 10/21), a na način da se u članku 10. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), definira kao dopuna i postojanje Uprave policije kao samostalne unutrašnje organizacione jedinice Ministarstva unutarnjih poslova.

Također, Zakonom o unutarnjim poslovima je propisano da Uprava policije ima status proračunskog korisnika razdjela Ministarstva i samostalno koristi sredstva za plaće, materijalne troškove, uključujući kapitalne izdatke, posebne namjene, opremu, školovanje kadeta i druge pripadajuće troškove vezano za mjerodavnost uprave policije koja je utvrđena članak 19. Zakona o unutarnjim poslovima.

Iako je Zakon o unutarnjim poslovima Zeničko-dobojskog kantona donesen u rujnu 2018, godine, njegova primjena je prolongirana, prvo do 1.1.2019. godine, potom u zakonu o izmjenama i dopunama Zakona o unutarnjim poslovima objavljenim u Službenim novinama Zeničko-dobojskog kantona, broj: 6/19) propisano je da će se sredstva za rad Uprave policije za period 1.1.2019. do 1.1.2020. godine, osigurati u Proračunu Zeničko-dobojskog kantona u okviru proračunske organizacije Ministarstva unutarnjih poslova. U sljedećim izmjenama Zakona o unutarnjim poslovima objavljenim u Službenim novinama Zeničko-dobojskog kantona, broj: 22/19, rok osiguranja sredstava, kao i sama primjena Zakona prolongiran je do 1.1.2020. godine. Također, izmjenom Zakona o unutarnjim poslovima objavljenim u Službenim novinama ZDK, broj: 21/20 ., rok za primjenu Zakona o unutarnjim poslovima je prolongiran do 1.1.2022. godine.

U Proračunu Zeničko-dobojskog kantona za 2022.godinu u Proračunu Zeničko-dobojskog kantona na stavci MUP-Uprava policije, razdjel 15. proračunska organizacija 02, potrošačka jedinica 0001, Ministarstva unutarnjih poslova ZDK za 2022. godinu, osigurana su sredstva za rad Uprave policije i to bi bio jedan od razloga za stavljanje u proceduru donošenja Prijedloga dopune Zakona o kantonalnim ministarstvima i drugim tijelima kantonalne uprave.

Predloženo je da Zakona o dopuni Zakona o Ministarstvima i drugim tijelima kantonalne uprave ide u proceduru usvajanja po skraćenom postupku sukladno članku 140. Poslovnika

Skupštine Zeničko-dobojskog kantona - treći pročišćeni tekst („Službene novine Zeničko-dobojskog kantona“, broj:14/18, 18/18, 7/19 i 7/20) jer nije u pitanju složene i obiman zakon. Naime, radi se o potrebi usklađivanja Zakona o Ministarstvima i drugim tijelima kantonalne uprave i Zakona o unutarnjim poslovima koji je kao *lex specialis* prethodno uredio.

Napominjemo, da će o prijedlogu donošenja Zakona o dopuni Zakona o ministarstvima i drugim tijelima kantonalne uprave, po skraćenom postupku, Skupština Zeničko-dobojskog kantona izjasniti kao o prethodnom pitanju tijekom rasprave o dnevnom redu. U slučaju da Skupština ne prihvati prijedlog Ministarstva da se predloženi tekst Zakona razmatra po skraćenom postupku, odnosno kao prijedlog s istim se postupa kao s nacrtom i o tom nacrtu odmah će se vršiti rasprava.

Napominjemo, da nadležnost Uprave policije kao organizacione jedinice u sastavu MUP-a je već Skupština Zeničko-dobojskog kantona utvrdila u Zakonu o unutarnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20 i 10/21) kroz članke 6. i 19., a u svezi sa člancima 7., 8., 18., 22., 23., 33.- do 41. kao i drugim odredbama Zakona o unutarnjim poslovima.

Ministarstvo za pravosuđe i upravu pribavilo je stajalište na prijedlog Zakona, koja se dostavljaju u prilogu, od:

- Tajništva za zakonodavstvo, broj: 03-02-1471-4/22 od 11.2.2022.godine, u kojem je istaknuto da je Prijedlog Zakona urađen sukladno pravnom sustavu iz ove oblasti i u nemotehničkom smislu sukladno Jedinstvenim pravilima za izradu pravnih propisa u Zeničko-dobojskom kantonu.
- Ministarstva financija, broj: 07-02- 1471-1/22 od 10.2.2022. godine, u kojem je istaknuto da nemaju primjedbi i sugestija iz svoje nadležnosti na dostavljeni tekst Prijedloga Zakona.

S toga predlažemo Vladi Zeničko-dobojskog kantona da utvrdi prijedlog Zakona i uputi u Skupštinsku proceduru usvajanja.

III - OBRAZLOŽENJA POJEDINIH PRAVNIH RJEŠENJA

Članak 1. – Propisuje organizacionu strukturu, nadležnost, odnosno postojanje Uprave policije kao uprave u sastavu Ministarstva unutarnjih poslova Zeničko-dobojskog kantona, kako je postojanje iste već utvrđena u članku 6. Zakona o unutarnjim poslovima. A njena mjerodavnost, odnosno nadležnost propisana je u članku 19. Zakona o unutarnjim poslovima Zeničko-dobojskog kantona.

Članak 2. - Propisano je stupanje na snagu osmog dana od dana objavljivanja u „Službenim novinama Zeničko-dobojskog kantona“.

IV - FINACIJSKI EFEKTI

Za realiziranje ovog zakona nisu potrebna dodatna izdvajanja iz Proračuna, s obzirom na činjenicu da su sredstva osigurana u Proračunu Zeničko-dobojskog kantona, razdjel 15. proračunska organizacija 02, potrošačka jedinica 0001, Ministarstva unutarnjih poslova ZDK-Uprava policije, za 2022. godinu.

OBRAZAC IZJAVA O FISKALNOJ PROCJENI

Obrazac IFP NE

Obrađivač propisa:

Razdjel	KOD	NAZIV
	16 01 0001	Ministarstvo za pravosuđe i upravu Zeničko-dobojskog kantona

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o dopuni Zakona o kantonalnim ministarstvima i drugim tijelima kantonalne uprave					

C 3. Izjava o nepostojanju dodatnih fiskalnih efekata predloženog propisa

Predloženi Zakon o dopuni Zakona o kantonalnim ministarstvima i drugim tijelima kantonalne uprave neće zahtjevati dodatna finansijska sredstva, jer su ista planirana u Budžetu Kantona za 2022. godinu, razdjel 15, budžetska organizacija 02, potrošačka jedinica 0001 Ministarstvo unutrašnjih poslova -Uprava policije

D 4. Pečat i potpis odgovornog lica obrađivača, odnosno predlagača propisa

Mjesto i datum

Zenica, 15.02.2022.

Handwritten signature





Broj: 07-02-1471-1/22
Zenica, 10.02.2022. godine

04
02

MINISTARSTVO ZA PRAVOSUĐE I UPRAVU

PREDMET: Mišljenje na Prijedlog Zakona o dopuni Zakona o kantonalnim ministarstvima i drugim tijelima kantonalne uprave - *dostavlja se*

Ministarstvo finansija je razmotrilo Prijedlog Zakona o dopuni Zakona o kantonalnim ministarstvima i drugim tijelima kantonalne uprave, koji je dostavljen uz Vaš akt broj: 06/02-02-1471-1/22 od 08.02.2022. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), navedeno je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 42. stav 1. Zakona o budžetima u Federaciji BiH, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

U tački IV Obrazloženja Prijedloga Zakona o dopuni Zakona o kantonalnim ministarstvima i drugim tijelima kantonalne uprave, navedeno je da za realizaciju ovog zakona „nisu potrebna dodatna izdvajanja iz Proračunu, s obzirom na činjenicu da su sredstva osigurana u Proračunu Zeničko-dobojskog kantona na stavci MUP-Uprava policije...“.

U dostavljenoj Izjavi o fiskalnoj procjeni – Obrazac IFP-NE od 08.02.2022. godine, navedeno je da predloženi Zakon o dopuni Zakona o kantonalnim ministarstvima i drugim tijelima kantonalne uprave „neće zahtijevati dodatna finansijska sredstva, jer su ista planirana u Budžetu Kantona za 2022. godinu...“

Odredbama člana 54. stav 1. Zakona o budžetima u Federaciji BiH, propisano je: „isplata bruto plaća i naknada, te naknada korisnicima prava po osnovu drugih zakona, na osnovu utvrđene osnovice može se vršiti samo do visine planiranih sredstava u budžetu za te namjene.“

Imajući u vidu navedeno obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi i sugestija iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva kroz uštede ili unutrašnje preraspodjele sredstava obavezno obezbijediti Ministarstvo unutrašnjih poslova-Uprava policije u saradnji sa Ministarstvom unutrašnjih poslova, koje je i predložilo usklađivanje predmetnog Zakona.

Napominjemo, da Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona.

Naime, odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16) i člana 58. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

S poštovanjem!

Dostavljeno:

1x Naslovu,
1x a/a.


MINISTAR
Josip Lovrić



642

N-628

0402

Bosna i Hercegovina
Federacija Bosne i Hercegovine
ZENIČKO-DOBOJSKI KANTON



Bosnia and Herzegovina
Federation of Bosnia and Herzegovina
ZENICA-DOBOJ CANTON

SEKRETARIJAT ZA ZAKONODAVSTVO

SECRETARIAT FOR LEGISLATION

Broj: 03-02-1471-4/22
Zenica, 11.02.2022. godine

MINISTARSTVO ZA PRAVOSUĐE I UPRAVU
ZENIČKO-DOBOJSKOG KANTONA

PREDMET: Mišljenje o Prijedlogu Zakona o dopuni Zakona o kantonalnim ministarstvima i drugim tijelima kantonalne uprave - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), te na osnovu uvida u tekst Prijedloga Zakona o dopuni Zakona o kantonalnim ministarstvima i drugim tijelima kantonalne uprave, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov Prijedloga Zakona o dopuni Zakona o kantonalnim ministarstvima i drugim tijelima kantonalne uprave (u daljem tekstu: Prijedlog Zakona) je pravilno utvrđen.

Prijedlog Zakona je usklađen sa pravnim sistemom iz ove oblasti i u nomotehničkom smislu urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona” broj 5/08).

Imajući u vidu navedeno kao i obrazloženje Prijedloga Zakona, stekli su se uvjeti za davanje mišljenja shodno članu 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21) i upućivanje Prijedloga Zakona u dalju proceduru.

Dostavljeno:
1x naslovu,
1x a/a.

SEKRETAR

Mirnes Burkić



Bosna i Hercegovina, Zenica, Kućukovići br. 2
Tel: 032/460-675; e-mail zakonodavstvo@zdk.ba



Broj: 08-02-06/1-02-1-214/22.
Dana: 24.1.2022.godine

ZENIČKO-DOBOJSKI KANTON
Ministarstvo za pravosuđe i upravu

304

26-01-2022

Klasif. oznaka	Rev.	Šifra
06	02	1111

04

06

PREDMET: Prijedlog za usklađivanje Zakona o kantonalnim ministarstvima i drugim tijelima kantonalne uprave i Zakona o plaćama i naknadama u organima vlasti sa Zakonom o unutrašnjim poslovima Zeničko-dobojskog kantona, dostavlja se,-

VEZA: Naši akti broj:08-04/1-02-1-5666/18 od 24.10. 2018. godine. i
08-04/1-02-1-5666-1/18 od 16.01.2019. godine

Našim aktima veze, smo vas obavijestili da je Skupština Zeničko-dobojskog kantona na svojoj 66. sjednici održanoj dana 17.9.2018 godine usvojila Zakon o unutrašnjim poslovima Zeničko-dobojskog kantona, koji je stupio na snagu dana 05.10.2018. godine, a njegova primjena je od 01.01.2019. godine.

Prema odredbi člana 6. pomenutog zakona Uprava policije je kantonalna uprava u sastavu Ministarstva unutrašnjih poslova.

Odredbom člana 86. zakona propisano je da je u roku od 60 dana od početka primjene zakona potrebno uskladiti odredbe Zakona o kantonalnim ministarstvima i drugim tijelima kantonalne uprave sa odredbama Zakona o unutrašnjim poslovima.


S obzirom na činjenicu da je potrebno uskladiti odredbe ova dva zakona, predlažemo da se **Zakon o kantonalnim ministarstvima i drugim tijelima kantonalne uprave** dopuni na sljedeći način:

Član 1.

(1) U članu 10. Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15) iza stava (1) dodaje se novi stav (2) koji glasi:

"(2) U Ministarstvu unutrašnjih poslova je Uprava policije kao kantonalna uprava u sastavu Ministarstva.

- a) Uprava policije obavlja upravne, stručne i durge poslove utvrđene zakonom i drugim propisima koji se odnose na: zaštitu ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona; zaštitu života i imovine kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona; sprečavanje i borba protiv kriminaliteta i ostalih oblika protivpravnog ponašanja koji su u isključivoj nadležnosti Uprave policije; otkrivanje i učešće u rasvjetljavanju kriminaliteta i ostalih oblika protivpravnog ponašanja koji su u isključivoj nadležnosti Uprave policije; kriminalističko-tehnička vještačenja i poslovi kontradiverzione zaštite; održavanje javnog reda i mira; poslovi sigurnosti, kontrole i regulisanja saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona; poslovi izdavanja odobrenja za



nabavljanje, držanja i nošenje oružja i municije, vođenja propisanih evidencija te kontrola istih; poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona; poslovi i zadaci koji se odnose na održavanje javnih okupljanja; posebno osiguranje određenih ličnosti i objekata na području Kantona; poslovi i zadaci policije koje Ministarstvu povjere tužilaštva i sudovi u Bosni i Hercegovini; poslovi koji se odnose na rad agencija za zaštitu ljudi i imovine i unutrašnjih službi zaštite; pružanje pomoći građanstvu u vanrednim okolnostima; pružanje pomoći organima uprave i pravnim licima koja vrše javna ovlaštenja u skladu sa zakonom; prikupljanje i analiza informacija i podataka o sprečavanju i borbi protiv kriminaliteta i ostalih oblika protivpravnog ponašanja koji su u isključivoj nadležnosti Uprave policije, kao i procjena stanja u oblasti unutrašnjih poslova u Kantonu; vođenje kaznenih i prekršajnih evidencija u skladu sa važećim propisima; vođenje operativnih i drugih službenih evidencija potrebnih za obavljanje poslova, u skladu sa važećim zakonima i drugim propisima; razmjena informacija sa tužilaštvima, sudovima i drugim policijskim organima u Bosni i Hercegovini; saradnja sa drugim sigurnosnim agencijama i drugim organima u Bosni i Hercegovini u okviru poslova Uprave policije; poslovi i zadaci koje Federalna uprava policije iz svoje nadležnosti povjeri Upravi policije; izrada plana i programa rada iz nadležnosti Uprave policije; donošenje planova radi izvršenja policijskih poslova; poslovi kontinuirane edukacije zaposlenika; poslovi modernizacije i opremanja za informacioni i radiorelejni sistem Ministarstva i Uprave policije i izrada projekata računarske obrade podataka; druge poslove i zadatke utvrđene zakonom i drugim propisima".

(2) Dosadašnji stavovi (2) i (3) postaju stavovi (3) i (4)".

Član 2.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

U vezi sa članom 18. Zakona o unutrašnjim poslovima Zeničko-dobojskog kantona i propisanom unutrašnjom organizacijom, kao i Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona, ovim putem predlažemo i dopunu Zakona o plaćama i naknadama u organima vlasti Zeničko-dobojskog kantona u dijelu III - Plaće i naknade državnih službenika i namještenika koji govori o platnim razredima i koeficijentima za državne službenike. Naime, unutrašnja organizacija Uprave policije kao kantonalne uprave u sastavu ministarstva predviđa **radno mjesto pomoćnik rukovodioca kantonalne uprave u sastavu ministarstva**, a važećim Zakonom o plaćama nije utvrđen platni razred ni koeficijent za navedeno radno mjesto. U članu 20. Zakona o plaćama i naknadama u organima vlasti Federacije Bosne i Hercegovine ("Službene novine F BiH", broj: 45/10) utvrđen je platni razred za pomoćnika rukovodioca federalnog organa uprave i federalne upravne organizacije u sastavu federalnog ministarstva sa koeficijentom 4,85, te u vezi s tim i gore navedenim predlažemo i dopunu **Zakona o plaćama i naknadama u organima vlasti Zeničko-dobojskog kantona**, na sljedeći način:

Član 1.

U članu 20. stav (1) Zakona o plaćama i naknadama u organima vlasti Zeničko-dobojskog kantona ("Službene novine Zeničko-dobojskog kantona", broj: 1/18) u tabelarnom prikazu, iza platnog razred IV, dodaje se novi platni razred IVa i tekst koji glasi:



Platni razred	Radno mjesto	Koeficijent
IVa	- pomoćnik rukovodioca kantonalne uprave u sastavu kantonalnog ministarstva	4,85

Član 2.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Za oba predložena Zakona obrazloženje je isto, radi se o usklađivanju sa Zakonom o unutrašnjim poslovima Zeničko-dobojskog kantona, s tim da je za Zakon o plaćama potrebno navesti da se radi i o usklađivanju sa Zakonom o plaćama i naknadama u organima vlasti Federacije Bosne i Hercegovine.

Pomenute zakone potrebno je uraditi u što kraćem roku, s obzirom na obaveze usklađivanja podzakonskih akata koje ovo Ministarstvo ima nakon donošenja ovih zakona, kao i donošenje pojedinačnih akata o pravima iz radnog odnosa.

S poštovanjem,

DOSTAVLJENO:

1. Naslov x 1
2. a/a x 1

MINISTAR
 Darjo Pekić





Godina XX - Broj 10

ZENICA, četvrtak, 10.12.2015.god.

SKUPŠTINA

361.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 20. sjednici, održanoj dana 09.12.2015. godine, donosi:

**ZAKON O KANTONALNIM MINISTARSTVIMA I
DRUGIM TIJELIMA KANTONALNE UPRAVE**

DIO PRVI - OPĆE ODREDBE**Članak 1.**

(Utemeljenje kantonalnih organa uprave i upravnih organizacija)

Ovim se Zakonom utemeljuju ministarstva, uprave i upravne organizacije Zeničko-dobojskog kantona, (u daljem tekstu: Kanton), te se određuje njihov djelokrug i uređuju druga pitanja od značaja za njihovo organiziranje i funkcioniranje.

Članak 2.

(Organi koji vrše poslove uprave)

- (1) Poslove uprave, stručne i s njima povezane upravne poslove iz okvira nadležnosti Kantona vrše kantonalna ministarstva, kantonalne uprave i kantonalne upravne organizacije, (u daljem tekstu: tijela uprave), utvrđene ovim zakonom.
- (2) Tijela iz stavka (1) ovog članka, pored poslova iz djelokruga utvrđenog ovim zakonom, obavljaju i druge poslove utvrđene zakonima, sukladno Ustavu Federacije Bosne i Hercegovine i Ustavu Zeničko-dobojskog kantona.

Članak 3.

(Ministarstvo)

- (1) Ministarstvo je organ uprave koji obavlja upravne i stručne poslove iz nadležnosti Zeničko-dobojskog

kantona u jednom ili više srodnih područja u kojima kantonalni organ uprave, u cjelini ili djelomično, zakonom odnosno drugim propisom određenom obimu, izravno izvršava ili osigurava primjenu zakona i drugih propisa i odgovara za njihovo izvršavanje.

- (2) Ministarstvo priprema zakone i druge propise i opće akte iz svog djelokruga, te obavlja i druge poslove određene posebnim zakonima i drugim propisima.

Članak 4.

(Kantonalna uprava i Kantonalna upravna organizacija)

- (1) Kantonalna uprava i kantonalna upravna organizacija utemeljuje se za obavljanje upravnih i stručnih poslova čija priroda i način izvršavanja zahtijevaju posebnu organiziranost i samostalnost u radu.
- (2) Kantonalna uprava i kantonalna upravna organizacija može se osnovati kao samostalna kantonalna uprava i samostalna kantonalna upravna organizacija i mogu imati svojstvo pravne osobe.
- (3) Kantonalna uprava i kantonalna upravna organizacija može se osnovati u sastavu ministarstva ako je potrebno zbog međusobne povezanosti poslova iz nadležnosti ministarstva i kantonalne uprave, kantonalne upravne organizacije i kada je, pored određenog stupnja samostalnosti u vršenju poslova iz nadležnosti kantonalne uprave i kantonalne upravne organizacije, potrebno osigurati usmjeravanje i nadzor u obavljanju poslova iz nadležnosti tih kantonalnih uprava i kantonalnih upravnih organizacija od strane ministarstva.

Članak 5.

(Odnos ministarstva prema upravi, odnosno upravnoj organizaciji u sastavu ministarstva)

U okviru poslova iz nadležnosti kantonalne uprave, odnosno kantonalne upravne organizacije koja se nalazi u sastavu kantonalnog ministarstva, ministar donosi podza-

konske propise i opće akte za izvršavanje kantonalnih zakona iz tih oblasti i vrši upravni nadzor nad radom te uprave, odnosno upravne organizacije sukladno zakonu.

Članak 6.
(Stručne službe)

- (1) Za obavljanje stručnih, tehničkih i drugih poslova za potrebe Kantona i tijela uprave mogu se utemeljiti određene stručne, tehničke i druge službe, kao zajedničke ili samostalne službe koje mogu imati svojstvo pravne osobe.
- (2) O utemeljenju službe iz stavka (1). ovog članka za potrebe tijela uprave odlučuje Vlada Kantona.

Članak 7.
(Sjedište tijela uprave)

- (1) Sjedište tijela uprave je u Zenici.
- (2) Vlada Kantona može odrediti da neka tijela uprave mogu imati sjedište van Zenice.

Članak 8.
(Zastupljenost)

- (1) U tijelima uprave osigurava se proporcionalna zastupljenost konstitutivnih naroda i grupe Ostalih, sukladno Amandmanu IX Ustava Zeničko-dobojskog kantona, kao i ravnopravna zastupljenost oba spola.
- (2) Gramatička terminologija korištenja muškog roda u ovom zakonu podrazumijeva uključivanje oba spola.

DRUGI DIO – KANTONALNI ORGANI UPRAVE

POGLAVLJE I. KANTONALNA MINISTARSTVA

Članak 9.
(Kantonalna ministarstva)

Kantonalna ministarstva su:

- a) Ministarstvo unutarnjih poslova – Ministarstvo unutrašnjih poslova,
- b) Ministarstvo za pravosuđe i upravu,
- c) Ministarstvo financija – Ministarstvo finansija,
- d) Ministarstvo za gospodarstvo – Ministarstvo za privredu,
- e) Ministarstvo za prostorno uređenje, saobraćaj i komunikacije i zaštitu okoliša,
- f) Ministarstvo za rad, socijalnu politiku i izbjeglice,
- g) Ministarstvo za braniteljska pitanja – Ministarstvo za boračka pitanja,

h) Ministarstvo zdravstva,

- i) Ministarstvo za obrazovanje, znanost, kulturu i sport - Ministarstvo za obrazovanje, nauku, kulturu i sport
- j) Ministarstvo za poljoprivredu, šumarstvo i vodoprivredu.

Članak 10.

(Ministarstvo unutarnjih poslova)

- (1) Ministarstvo unutarnjih poslova vrši upravne i stručne poslove utvrdene Ustavom, zakonom i drugim propisima, koji se odnose na ostvarivanje nadležnosti Kantona u oblasti unutarnjih poslova i poslova inspeksijskog nadzora nad radom agencija i unutarnjih službi za zaštitu ljudi i imovine, poslove inspeksijskog nadzora nad provođenjem mjera zaštite od požara i nad provođenjem propisa iz oblasti matičnih knjiga, sukladno zakonu.
- (2) Ministarstvo vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (3) Ministarstvo obavlja i druge poslove koji su mu stavljeni u nadležnost posebnim zakonom.

Članak 11.

(Ministarstvo za pravosuđe i upravu)

- (1) Ministarstvo za pravosuđe i upravu vrši upravne, stručne i druge poslove utvrdene ustavom, zakonom, i drugim propisom koji se odnose na ostvarivanje nadležnosti Kantona, u oblasti pravosuđa, pravobraniteljstva, uprave i lokalne samouprave, poslove upravne inspekcije, nadzor rada notara, kao i druge upravne poslove koji ne spadaju u djelokrug drugog tijela uprave Kantona.
- (2) Ministarstvo obavlja poslove davanja stajališta o usklađenosti zakona i drugih propisa koje donosi Skupština Kantona, Vlada Kantona sa propisima o organizaciji organa uprave, propisima iz oblasti prekršaja, sa Europskom konvencijom o zaštiti ljudskih prava i osnovnih sloboda i drugim instrumentima zaštite ljudskih prava, koji imaju pravnu snagu ustavnih odredaba.
- (3) Ministarstvo obavlja i poslove koji se odnose na registriranje udruga, zaklada, fondacija i drugih evidencija utvrđenih posebnim zakonima za područje Zeničko-dobojskog kantona.

- (4) Ministarstvo za pravosuđe i upravu vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (5) Ministarstvo obavlja i druge poslove koji su mu stavljeni u nadležnost posebnim zakonom.

Članak 12.

(Ministarstvo financija)

- (1) Ministarstvo financija vrši upravne, stručne i druge poslove utvrđene zakonom i drugim propisima koji se odnose na ostvarivanje nadležnosti Kantona u oblasti financija i to: sustav poreza, pristojbi i drugih javnih prihoda, predlaganje mjera za unapređenje poreskog sustava, sustav raspodjele javnih prihoda, sustav financiranja javne potrošnje, poslovi planiranja i izvršenja Proračuna Kantona, u okviru trezorskog poslovanja vođenje računovodstva i računovodstvenih politika kojim se uređuje planiranje, evidentiranje, analiziranje, nadzor i izvještavanje o poslovnim događajima proračunskih korisnika i izvanproračunskih fondova, davanje instrukcija proračunskim korisnicima, vođenje jedinstvenog računa trezora, upravljanje novcem, dnevno praćenje novčanih sredstava i utvrđivanje dinamike plaćanja i planiranja nedostajućih sredstava, otplata duga, izdavanje garancija, nova zaduženja, kontrola ostvarivanja Proračuna Kantona, centralizirani obračun i isplata plaća za sve proračunske korisnike, kantonalna proračunska revizija.
- (2) Ministarstvo financija vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (3) Ministarstvo obavlja i druge poslove koji su mu stavljeni u nadležnost posebnim zakonom.

Članak 13.

(Ministarstvo za gospodarstvo)

- (1) Ministarstvo za gospodarstvo vrši upravne, stručne i druge poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti gospodarstva i to: prerađivačke industrije, energetike, rudarstva, geološka istraživanja, koncesije, javno-privatno partnerstvo, trgovine, ugostiteljstva, turizma, razvoja poduzetništva i obrta, osim proizvodnje hrane, pića, prerade duhana i duhanskih

proizvoda, oblasti građevinarstva, bankarstva, saobraćaja i komunalnih djelatnosti.

- (2) Ministarstvo za gospodarstvo vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (3) Ministarstvo obavlja i druge poslove koji su mu stavljeni u nadležnost posebnim zakonom.

Članak 14.

(Ministarstvo za prostorno uređenje, promet i komunikacije i zaštitu okoliša)

- (1) Ministarstvo za prostorno uređenje, promet i komunikacije i zaštitu okoliša vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti prostornog uređenja, građenja, zaštite okoliša, komunalnih djelatnosti, prometa i komunikacija.
- (2) Ministarstvo za prostorno uređenje, promet i komunikacije i zaštitu okoliša vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (3) U sastavu Ministarstva za prostorno uređenje, promet i komunikacije i zaštitu okoliša su:
- a) **Kantonalni zavod za urbanizam i prostorno uređenje i**
 - b) **Kantonalna direkcija za ceste.**
- (4) **Kantonalni zavod za urbanizam i prostorno uređenje** vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti izrade planskih dokumenata za koje su nadležni Kanton i jedinice lokalne samouprave, planiranja prostornog i društveno-ekonomskog razvoja.
- (5) **Kantonalna direkcija za ceste** vrši stručne poslove i sa njima povezane upravne poslove utvrđene zakonom i drugim propisima, koji se odnose na nadležnost Kantona u izgradnji, rekonstrukciji, održavanju, zaštiti i upravljanju regionalnim cestama.
- (6) Ministarstvo obavlja i druge poslove koji su mu stavljeni u nadležnost posebnim zakonom

Članak 15.**(Ministarstvo za rad, socijalnu politiku i izbjeglice)**

(1) Ministarstvo za rad, socijalnu politiku i izbjeglice vrši upravne i stručne poslove utvrđene zakonom iz nadležnosti Kantona u oblasti socijalne politike, rada, zaštite i povratka raseljenih osoba, i to provođenjem:

- a) politike rada i zapošljavanja, ostvarivanje osnivačkih prava Kantona prema Javnoj ustanovi Služba za zapošljavanje i nadzor nad njenim radom, kreiranje politike od značaja za podsticaj zapošljavanja osoba sa invaliditetom i obavljanje drugih poslova od značaja za oblasti rada i zapošljavanja,
 - b) socijalne politike kroz socijalnu zaštitu građana u stanju socijalne potrebe i zaštitu obitelji sa djecom, te zaštitu civilnih žrtava rata, koordinacija i nadzor nad radom nadležnih općinskih službi i ustanova socijalne zaštite, iniciranje i provođenje mjera od značaja za razvoj socijalnih prava građana i prevenciju u oblastima socijalne i obiteljske zaštite, istraživanja socijalnih pojava i suzbijanje socijalno-patoloških pojava, ostvarivanje utemeljiteljskih prava prema ustanovama iz oblasti socijalne zaštite čiji je osnivač Kanton,
 - c) politike zaštite i povratka raseljenih osoba i povratnika kroz mjere i aktivnosti obnove i rekonstrukcije stambenih objekata u funkciji povratka, koordinacija u radu sa nevladinim organizacijama, rješavanje statusnih pitanja raseljenih osoba i povratnika u prvostupanjskom postupku i nadzor nad provođenjem kantonalnog zakona i podzakonskih akata iz ove oblasti,
 - d) humanitarne djelatnosti kroz izradu projekata i planova od značaja za zapošljavanje i socijalnu sigurnost građana, davanje mišljenja na humanitarne projekte organizacija registriranih na federalnoj razini koje djeluju na području Kantona, iniciranje projekata humanitarnog karaktera, planiranje osnovnih i drugih potreba stanovništva za humanitarnom pomoći, nabavka i distribuiranje humanitarne pomoći, podsticaj rada nevladinih udruga i provođenje drugih aktivnosti od značaja za humanitarnu djelatnost.
- (2) Ministarstvo za rad, socijalnu politiku i izbjeglice vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.

(3) Ministarstvo za rad, socijalnu politiku i izbjeglice je nadležno i za druge poslove sukladno odredbama posebnih zakona.

Članak 16.**(Ministarstvo za braniteljska pitanja)**

- (1) Ministarstvo za braniteljska pitanja vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti zaštite branitelja iz domovinskog/obrambeno-oslobodilačkog rata od 18.9.1991. godine do 23.12.1995. godine, pripadnika jedinica Oružanih snaga RBiH i ratnih postrojbi HVO-a i članova njihovih obitelji: članova obitelji šehida, poginulih, umrlih i nestalih branitelja, članova uže obitelji poginulih, umrlih ili nestalih dobitnika ratnog priznanja i odličja, dobitnika ratnih priznanja i odličja i članova njihovih obitelji, ratnih vojnih invalida i članova njihovih obitelji i razvojačenih branitelja i članova njihovih obitelji, kao i druga pitanja iz oblasti zaštite branitelja i članova njihovih obitelji, sa posebnim osvrtnom na poslove u svezi sa reguliranjem socijalno-statusnih pitanja branitelja i članova njihovih obitelji: pitanja zdravstvene zaštite, medicinske rehabilitacije, stambenog zbrinjavanja, pomoći u školovanju i upošljavanju, podizanja nadgrobnih spomenika/nišana i spomen obilježja, novčane pomoći zbog teške ekonomske situacije i drugo.
- (2) Ministarstvo osigurava zaštitu i sudionika narodno-oslobodilačkog rata 1941.-1945.godine i sudionika drugih oslobodilačkih ratova i pokreta, sukladno važećim zakonima i drugim propisima.
- (3) Ministarstvo provodi upravne postupke iz svoje nadležnosti, daje mišljenje pri donošenju sistemskih propisa kojim se reguliraju osnovna pitanja branitelja i članova njihovih obitelji na razini Federacije BiH, priprema zakone i druge propise kojim se reguliraju socijalno-statusna pitanja branitelja i članova njihovih obitelji na području Kantona, te prati stanje u oblasti braniteljsko-invalididske zaštite.
- (4) Ministarstvo obavlja i druge poslove koji su mu stavljeni u nadležnost posebnim zakonom.

Članak 17.**(Ministarstvo zdravstva)**

- (1) Ministarstvo zdravstva vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti zdravstva i zdravstvenog osiguranja i to:

- a) koordinira i prati funkcioniranje i razvoj sistema zdravstvene zaštite i zdravstvenog osiguranja radi ostvarivanja prava osiguranih osoba,
- b) koordinira i prati stručni rad zdravstvenih ustanova, privatnih praksi i drugih oblika obavljanja zdravstvene djelatnosti u vidu nadzora,
- c) po potrebi utvrđuje mrežu zdravstvene djelatnosti (primarna, specijalističko-konsultativna zdravstvena zaštita i mreže farmaceutske djelatnosti),
- d) organizira obavljanje mrtvozorstva na području Kantona.

(2) Ministarstvo zdravstva vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.

(3) Ministarstvo obavlja i druge poslove koji su mu stavljeni u nadležnost posebnim zakonom.

Članak 18.

(Ministarstvo za obrazovanje, znanost, kulturu i sport)

- (1) Ministarstvo za obrazovanje, znanost, kulturu i sport vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti obrazovanja i nauke, kulture i sporta sukladno zakonu.
- (2) U sastavu Ministarstva za obrazovanje, znanost, kulturu i sport je upravna organizacija Pedagoški zavod.
- (3) **Pedagoški zavod** vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja.
- (4) Ministarstvo za obrazovanje, znanost, kulturu i sport vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.
- (5) Ministarstvo obavlja i druge poslove koji su mu stavljeni u nadležnost posebnim zakonom.

Članak 19.

(Ministarstvo za poljoprivredu, šumarstvo i vodoprivredu)

(1) Ministarstvo za poljoprivredu, šumarstvo i vodoprivredu vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti poljoprivrede, šumarstva, vodoprivrede, koncesija, veterinarstva, lovstva, javnog-privatnog partnerstva i unapređenja biljne i animalne proizvodnje.

(2) U sastavu Ministarstva za poljoprivredu, šumarstvo i vodoprivredu je Kantonalna uprava za šumarstvo.

a) **Kantonalna uprava za šumarstvo** obavlja upravne, stručne i druge poslove utvrđene zakonom i drugim propisima koji se odnose na: osiguranje neposredne zaštite državnih šuma i šumskog zemljišta putem čuvarske službe, vodi bazu podataka o stanju i razvoju svih šuma na području Kantona, zastupa interese vlasnika državnih šuma i šumskog zemljišta u postupcima koji se vode po pitanju prava vlasništva, postupcima uzurpacija, eksproprijacija, arondacija, komasacija i zamjene šume i šumskog zemljišta i ugovorom prenosi navedene poslove korisniku državnih šuma i šumskog zemljišta, vrši nadzor nad prikupljanjem podataka za izradu šumskogospodarskih osnova za državne i privatne šume i realiziranje istih, prati izvršenje svih ugovorenih obveza koji se odnose na državne šume, realiziranje programa zaštite šume i druge poslove propisane zakonom.

(3) U sastavu Ministarstva za poljoprivredu, šumarstvo i vodoprivredu su slijedeće upravne organizacije:

a) Poljoprivredni zavod

b) Zavod za vode

(4) **Poljoprivredni zavod** vrši upravne, stručne i druge poslove koji su zakonom i drugim propisom o poljoprivredi, stavljeni u nadležnost Kantona.

(5) **Zavod za vode** vrši stručne i druge poslove koji su zakonom i drugim propisom o vodama stavljeni u nadležnost Kantona.

(6) Ministarstvo za poljoprivredu, šumarstvo i vodoprivredu vrši upravne i druge stručne poslove koji se odnose na prvostupanjski i drugostupanjski upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.

(7) Ministarstvo obavlja i druge poslove koji su mu stavljeni u nadležnost posebnim zakonom.

POGLAVLJE II. SAMOSTALNE KANTONALNE UPRAVE

Članak 20.

(Samostalne kantonalne uprave)

(1) Samostalne kantonalne uprave su:

- a) Kantonalna uprava za inspeksijske poslove,
- b) Kantonalna uprava civilne zaštite

Članak 21.

(Kantonalna uprava za inspeksijske poslove)

(1) Kantonalna uprava za inspeksijske poslove vrši inspeksijski nadzor, odnosno upravno-nadzorne stručne i druge poslove iz nadležnosti Kantona koji se odnose na energetiku, rudarstvo, trgovinu, ugostiteljstvo, turizam, poljoprivredu, šumarstvo, vodoprivredu, veterinarstvo, radne odnose, zaštitu na radu, zdravstvo, sanitarni nadzor, farmaceutski nadzor, ceste i cestovni saobraćaj, građenje i zaštitu životnog okoliša, kao i druge poslove utvrđene zakonom.

(2) Kantonalna uprava obavlja i druge poslove koji su joj stavljeni u nadležnost posebnim zakonom.

Članak 22.

(Kantonalna uprava civilne zaštite)

(1) Kantonalna uprava civilne zaštite vrši upravne i stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti zaštite i spašavanja od prirodnih i drugih nesreća, zaštite od požara, vatrogastva i organizira centar civilne zaštite 121.

(2) Kantonalna uprava civilne zaštite vrši i poslove inspekcije civilne zaštite, inspekcije za zaštitu od požara i inspekcije za vatrogastvo, u skladu sa zakonom.

(3) Kantonalna uprava civilne zaštite obavlja i druge poslove koji su joj stavljeni u nadležnost posebnim zakonom.

POGLAVLJE III. SAMOSTALNE UPRAVNE ORGANIZACIJE

Članak 23.

(Samostalna kantonalna upravna organizacija)

(1) Samostalna kantonalna upravna organizacija je:

- a) Kantonalna direkcija robnih rezervi
- b) Kantonalni zavod za pravnu pomoć

(2) Posebnim zakonom mogu se osnivati i druge samostalne upravne organizacije iz nadležnosti Kantona.

Članak 24.

(Kantonalna direkcija robnih rezervi)

(1) Kantonalna direkcija robnih rezervi vrši stručne i druge poslove koji se odnose na nabavku, razmještaj zadržavanje, čuvanje i korištenje robnih rezervi Kantona, provođenje mjera radi intervencija na tržištu, balansiranje roba za potrebe rezervi Kantona, suradnja sa drugim organima za robne rezerve u općinama i društvima.

(2) Kantonalna direkcija robnih rezervi obavlja i druge poslove koji su joj stavljeni u nadležnost posebnim zakonom.

Članak 25.

(Kantonalni zavod za pravnu pomoć)

(1) Kantonalni zavod za pravnu pomoć vrši upravne i stručne poslove koji se odnose na pružanje besplatne pravne pomoći građanima slabog imovnog stanja, na način i pod uvjetom utvrđenim zakonom kojim se regulira pružanje besplatne pravne pomoći.

(2) Kantonalni zavod za pravnu pomoć obavlja i druge poslove koji su mu stavljeni u nadležnost posebnim zakonom.

DIO TREĆI-RUKOVODENJE KANTONALNIM MINISTARSTVIMA, KANTONALNIM UPRAVAMA I KANTONALNIM UPRAVNIM ORGANIZACIJAMA I UNUTARNJA ORGANIZACIJA

Članak 26.

(Rukovođenje tijelom uprave)

Rukovođenje tijelima uprave, prava, obaveze, odgovornost, postavljenje i razrješenje rukovoditelja i rukovođeceg državnog službenika vrši se na način predviđen

propisima o Vladi Kantona, propisima o organizaciji organa uprave, propisima o državnoj službi važećim i za Kanton, posebnim zakonima i propisima kojima se osnivaju tijela uprave.

Članak 27.

(Rukovođenje ministarstvom)

- (1) Ministarstvom rukovodi ministar.
- (2) Ministar je za svoj rad i stanje u područjima koja su u djelokrugu rada ministarstva odgovoran Vladi Kantona.

Članak 28.

(Rukovođenje pojedinim područjem)

- (1) U rukovođenju pojedinim područjem rada rukovoditelju pomaže rukovodeći državni službenik i to:
 - a) tajnik ministarstva,
 - b) rukovoditelj uprave i upravne organizacije koje se nalaze u sastavu ministarstva,
 - c) pomoćnik ministra,
 - d) glavni inspektor.
- (2) U Ministarstvu unutarnjih poslova Kantona Upravom policije rukovodi policijski komesar kao rukovodni policijski službenik.

Članak 29.

(Zamjena ministra u slučaju spriječenosti obavljanja funkcije)

U slučaju privremene spriječenosti ministra u obavljanju njegovih ovlaštenja i obveza, mijenja ga rukovodeći državni službenik koga pismenim aktom odredi ministar, sa pravima rukovoditelja organa državne službe osim ako posebnim zakonom nije drugačije određeno.

Članak 30.

(Rukovođenje upravom i upravnom organizacijom)

- (1) Samostalnom kantonalnom upravom i samostalnom kantonalnom upravnom organizacijom rukovodi ravnatelj, odnosno rukovoditelj čiji je naziv određen zakonom ili odlukom o osnivanju uprave i upravne organizacije.
- (2) Rukovoditelj samostalne kantonalne uprave i samostalne kantonalne upravne organizacije odgovoran je za svoj rad i stanje u području koje je u djelokrugu uprave ili upravne organizacije tijelu koje ga imenuje na tu dužnost.

- (3) Rukovoditelj kantonalne uprave i kantonalne upravne organizacije koja je u sastavu ministarstava za svoj rad odgovara i ministru koji rukovodi ministarstvom u čijem je sastavu kantonalna uprava i kantonalna upravna organizacija.

Članak 31.

(Zamjena rukovoditelja samostalne kantonalne uprave i samostalne kantonalne upravne organizacije)

U slučaju privremene spriječenosti rukovoditelja u obavljanju njegovih ovlaštenja i obveza mijenja ga rukovodeći državni službenik koga pismenim aktom odredi rukovoditelj, osim ako posebnim zakonom nije drugačije određeno.

DIO ČETVRTI – ORGANIZACIJA, PROGRAM RADA I IZVJEŠĆE O RADU MINISTARSTVA, KANTONALNIH UPRAVA I KANTONALNIH UPRAVNIH ORGANIZACIJA

Članak 32.

(Unutarnja organizacija tijela uprave)

- (1) Unutarnja organizacija tijela uprave, utvrđuje se pravilnikom o unutarnjoj organizaciji.
- (2) Pravilnik o unutarnjoj organizaciji izrađuje se i donosi na način predviđen propisima o upravi, organizaciji organa uprave u Federaciji Bosne i Hercegovine i propisima koji se odnose na izradu i donošenje tih pravilnika.
- (3) Pravilnik o unutarnjoj organizaciji ministarstava donosi ministar, a samostalne kantonalne uprave i samostalne kantonalne upravne organizacije rukovoditelj samostalne kantonalne uprave i samostalne kantonalne upravne organizacije, uz suglasnost Vlade Kantona.
- (4) Prije donošenja Pravilnika o unutarnjoj organizaciji rukovoditelj tijela uprave dužan je pribaviti mišljenje Tajništva za zakonodavstvo, Ministarstva za pravosuđe i upravu i Ministarstva financija.
- (5) Tijelo uprave koje mijenja nadležnost i organizaciju dužno je donijeti, odnosno uskladiti pravilnik o unutarnjoj organizaciji, prema odredbama zakona kojim je propisana promjena, u roku od 30 dana od dana stupanja na snagu zakona.

Članak 33.

(Program rada)

- (1) Tijelo uprave je dužno za svaku kalendarsku godinu donijeti program rada.

(2) Program rada treba biti usaglašen sa programom rada Vlade Kantona.

Članak 34.
(Izvjешavanje)

- (1) Tijelo uprave je dužno o svom radu i stanju u upravnim područjima iz svog djelokruga rada za svaku kalendarsku godinu podnijeti izvješće o radu.
- (2) Izvješće se podnosi Vladi Kantona, zaključno s veljačom tekuće godine za prethodnu godinu.

DIO PETI – PRIJELAZNE I ZAVRŠNE ODREDBE

Članak 35.
(Nastavak rada)

Danom stupanja na snagu ovog zakona već utemeljena ministarstva:

- a) Ministarstvo unutarnjih poslova – Ministarstvo unutrašnjih poslova,
- b) Ministarstvo za pravosuđe i upravu,
- c) Ministarstvo financija,
- d) Ministarstvo za gospodarstvo,
- e) Ministarstvo za prostorno uređenje, saobraćaj i komunikacije i zaštitu okoliša,
- f) Ministarstvo za rad, socijalnu politiku i izbjeglice,
- g) Ministarstvo za braniteljska pitanja,
- h) Ministarstvo zdravstva,
- i) Ministarstvo za obrazovanje, znanost, kulturu i sport,
- j) Ministarstvo za poljoprivredu, šumarstvo i vodoprivredu,

nastavljaju rad pod nazivom i djelokrugom utvrđenim ovim zakonom.

Članak 36.

(Prestanak s radom i preuzimanje poslova)

Danom stupanja na snagu ovog Zakona, Veterinarski zavod kao upravna organizacija u sastavu Ministarstva za poljoprivredu, šumarstvo i vodoprivredu prestaje s radom, a njegove poslove preuzima javna ustanova Institut za zdravlje i sigurnost hrane Zenica.

Članak 37.

(Preuzimanje poslova)

(1) Tijelo uprave koje ili čija organizaciona jedinica prestaju s radom, mijenja ustrojstvo ili djelokrug,

nastavlja s radom u sastavu tijela uprave ili drugog pravnog subjekta koji preuzima njegove poslove.

- (2) Službenika i namještenika, opremu, pismobranu i drugu dokumentaciju, sredstva za rad, financijska sredstva, prava i obveze, organizacione jedinice tijela uprave koje prestaje s radom, preuzima tijelo uprave ili drugi pravni subjekt koji preuzima poslove tijela uprave koje prestaje s radom na temelju ovoga Zakona razmjerno preuzetim poslovima, ako drugim zakonom nije drugačije propisano.
- (3) Do donošenja Proračuna za narednu godinu tijelo uprave koje nastavlja s radom financirat će se na temelju usvojenog Proračuna.
- (4) Sredstva osigurana Proračunom Kantona za tekuću godinu, za rad tijela uprave koje prestaje s radom preraspodijelit će se na novoosnovano tijelo uprave ili tijelo uprave ili drugi pravni subjekt koji preuzima poslove ukinutog tijela uprave, razmjerno preuzetim poslovima.
- (5) Ovlašćuje se Vlada Kantona da izvrši preraspodjelu sredstava sukladno stavku (4). ovoga članka.

Članak 38.

(Usklađivanje pravilnika o unutarnjem ustrojstvu)

Rukovoditelj tijela uprave koje mijenja nadležnost, dužno je donijeti, odnosno uskladiti pravilnik o unutarnjem ustrojstvu prema odredbama ovoga Zakona u roku od 30 dana od dana stupanja na snagu ovoga Zakona.

Članak 39.

(Prestanak važenja zakona)

Danom stupanja na snagu ovog zakona prestaje važiti Zakon o kantonalnim ministarstvima i drugim tijelima kantonalne uprave (“Službene novine Zeničko-dobojskog kantona”, broj: 15/04, 6/07, 2/08, 13/08- pročišćeni tekst, 3/10 i 6/12).

Članak 40.

(Stupanje na snagu zakona)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-21695/15
Datum, 09.12.2015. godine
Zenica

PREDSJEDATELJICA

Draženka Subašić, v.r.



Godina XXIII - Broj 13

ZENICA, četvrtak, 27.09.2018.god.

SKUPŠTINA

344.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj 17.09.2018. godine, donosi

ZAKON O UNUTRAŠNJIM POSLOVIMA ZENIČKO-DOBOJSKOG KANTONA

DIO PRVI – OSNOVNE ODREDBE

Član 1. (Predmet zakona)

Ovim Zakonom se uređuju unutrašnji poslovi iz nadležnosti Zeničko-dobojskog kantona (u daljem tekstu: Kanton), organizacija i nadležnost Ministarstva unutrašnjih poslova Zeničko-dobojskog kantona (u daljem tekstu: Ministarstvo), rukovođenje Ministarstvom, rukovođenje Upravom policije, imenovanje, sastav i funkcionisanje Nezavisnog odbora, konkursna procedura, te imenovanje i mandat policijskog komesara, ocjena rada, postupak smjene i razrješenja i disciplinska odgovornost policijskog komesara, imenovanje, sastav i funkcionisanje Ureda za pritužbe javnosti, zaposlenici Ministarstva, dan policije i nagrađivanje, međusobni odnosi i saradnja Ministarstva sa Ministarstvom sigurnosti Bosne i Hercegovine i drugim ministarstvima unutrašnjih poslova u Bosni i Hercegovini, policijskim organima, organima uprave i jedinicama lokalne samouprave u Kantonu, te druga pitanja od značaja za rad, organizaciju i ostvarivanje funkcije Ministarstva.

Član 2. (Pravni osnov za rad Ministarstva)

(1) Unutrašnje poslove na teritoriji Kantona vrši Ministarstvo.

(2) Rad Ministarstva zasniva se na Ustavu Bosne i Hercegovine, Ustavu Federacije Bosne i Hercegovine, Ustavu Zeničko-dobojskog kantona te zakonima i drugim propisima Bosne i Hercegovine, Federacije Bosne i Hercegovine (u daljem tekstu: Federacija) i Kantona.

Član 3. (Principi policijske službe)

Svi propisi iz nadležnosti Ministarstva i Uprave policije, moraju biti u skladu sa Međunarodno prihvaćenim principima policijske službe u demokratskoj državi, koje je Federacija usvojila 25. aprila 1996. godine u Bonn - Petersburgu.

Član 4. (Nacionalna zastupljenost)

Nacionalni sastav zaposlenih u Ministarstvu i Upravi policije odražava nacionalnu strukturu stanovništva na teritoriji koju obuhvata Kanton prema popisu stanovništva iz 1991. godine.

Član 5. (Ravnopravnost spolova)

Gramatička terminologija u ovom Zakonu podrazumijeva uključivanje oba spola.

Član 6. (Pravni status Uprave policije)

(1) Uprava policije je kantonalna uprava u sastavu Ministarstva, čija se nadležnost, organizacija, rukovođenje, način rada i druga pitanja koja su od značaja za rad i funkcionisanje Uprave policije u okviru Ministarstva uređuje ovim zakonom.

(2) Uprava policije je policijski organ, koji vrši policijske poslove i ima operativnu samostalnost.

Član 7.
(Budžetski status Uprave policije)

- (1) Uprava policije ima status budžetskog korisnika unutar budžetskog razdjela Ministarstva i samostalno koristi sredstva za:
 - a) plaće,
 - b) materijalne troškove, uključujući kapitalne izdatke,
 - c) posebne namjene,
 - d) opremu,
 - e) školovanje kadeta i specijalizaciju i
 - f) druge pripadajuće troškove vezane za poslove iz člana 19. ovog zakona.
- (2) Sredstva potrebna za rad Uprave policije koja nisu obuhvaćena stavom (1) ovog člana, osiguravaju se na budžetskoj poziciji Ministarstva.
- (3) Za obavljanje određenih poslova iz člana 19. tačka c) i d) ovog zakona formira se kasa za posebne namjene, za koju se finansijska sredstva osiguravaju u okviru budžetskih sredstava Uprave policije iz stava (1) ovog člana.
- (4) Na prijedlog policijskog komesara, ministar pravilnikom propisuje uvjete, način i postupak korištenja odobrenih finansijskih sredstava, kao i druga pitanja koja su od značaja za funkcionisanje kase za posebne namjene.
- (5) Vlada Kantona i ministar dužni su osigurati sve uvjete za samostalan i nesmetan rad Uprave policije radi efikasnog obavljanja svih poslova iz njene nadležnosti i omogućiti Upravi policije da samostalno koristi sredstva za rad.

Član 8.
(Priprema i izvršenje budžeta)

- (1) Policijski komesar priprema zahtjev za budžetska sredstva Uprave policije i dostavlja ministru.
- (2) Zahtjev za dodjelu budžetskih sredstava Ministarstva, uključujući i sredstva iz stava (1) ovog člana, ministar dostavlja, putem Ministarstva finansija, Vladi Kantona na dalje postupanje.
- (3) Na procedure pripreme i podnošenje zahtjeva za budžetska sredstva Ministarstvu i Upravi policije, kao i druga pitanja koja se odnose na odgovornost za računovodstvo, internu kontrolu, nadzor i zakonitost

raspolaganja budžetskim sredstvima, shodno se primjenjuju odredbe posebnih propisa kojima su uređena navedena pitanja.

Član 9.
(Unutrašnji poslovi)

Unutrašnji poslovi iz nadležnosti Kantona su:

- a) zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
- b) zaštita života i imovine, kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona;
- c) sprečavanje i borba protiv kriminaliteta i ostalih oblika protivpravnog ponašanja;
- d) otkrivanje i učešće u rasvjetljavanju kriminaliteta i ostalih oblika protivpravnog ponašanja;
- e) kriminalističko - tehnička vještačenja;
- f) održavanje javnog reda i mira;
- g) sigurnost, kontrola i regulisanje saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
- h) izdavanje odobrenja za nabavljanje, držanje i nošenje oružja i municije, vođenja propisanih evidencija, te kontrola istih;
- i) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona.
- j) poslovi i zadaci koji se odnose na održavanje javnih okupljanja;
- k) posebno osiguranje određenih ličnosti i objekata na području Kantona;
- l) poslovi i zadaci policije koje Ministarstvu povjere tužilaštva i sudovi u Bosni i Hercegovini;
- m) izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- n) izdavanje, poništavanje i zamjena putnih isprava i vođenje evidencija;
- o) registracija motornih vozila, izdavanje vozačkih dozvola i isprava o vozilu i vođenje evidencija;
- p) prijavljivanje i objavljivanje prebivališta i boravišta građana i vođenje evidencija;

- r) provođenje postupaka za promjenu ličnog imena, utvrđivanje identiteta i promjenu spola;
- s) poslovi sticanja državljanstva Federacije BiH i promjene entitetskog državljanstva;
- t) čuvanje drugog primjerka matičnih knjiga u elektronskom obliku;
- u) vođenje kaznenih i prekršajnih evidencija u skladu sa važećim propisima;
- v) inspekcijski nadzor nad vođenjem matičnih knjiga i matičnog registra;
- z) inspekcijski nadzor zaštite od požara i eksplozija iz nadležnosti Ministarstva;
- aa) inspekcijski nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- ab) inspekcijski nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- ac) pružanje pomoći građanstvu u vanrednim okolnostima;
- ad) poslovi modernizacije i opremanja za informacijski i radiorelejni sistem Ministarstva i Uprave policije i izrada projekata računarske obrade podataka;
- ae) saradnja sa državnim, entitetskim i kantonalnim ministarstvima nadležnim za poslove sigurnosti i unutrašnje poslove;
- af) pružanje pomoći organima uprave i pravnim licima koja vrše javna ovlaštenja u skladu sa zakonom;
- ag) obavljanje drugih poslova i zadataka koje Federalno ministarstvo unutrašnjih poslova (u daljem tekstu: Federalno ministarstvo) ili drugi organ uprave u Bosni i Hercegovini povjeri Ministarstvu iz svoje nadležnosti;
- ah) upravni i drugi poslovi i zadaci koji su u nadležnost Ministarstva, u skladu sa ovim i drugim zakonima.

Član 10.

(Izveštavanje o radu Ministarstva i Uprave policije)

- (1) Ministar je obavezan da jednom godišnje, a po potrebi i češće podnosi izvještaj o radu Ministarstva koji obuhvata i izvještaj iz nadležnosti rada Uprave policije koji izrađuje Uprava policije.
- (2) Izvještaj iz stava (1) ovog člana podnosi se Vladi Kantona, a Vlada Kantona podnosi Skupštini Kantona.

Član 11.

(Ličnosti i objekti koji se posebno osiguravaju)

Na prijedlog ministra Vlada Kantona donosi Uredbu o osiguranju ličnosti i objekata Kantona koji se posebno osiguravaju.

Član 12.

(Zaštitni znak Ministarstva)

- (1) Ministarstvo ima zaštitni znak.
- (2) Na prijedlog ministra Vlada Kantona donosi Uredbu o obliku, sadržaju i načinu korištenja zaštitnog znaka Ministarstva.

Član 13.

(Obilježavanje i korištenje vozila Ministarstva i Uprave policije)

Ministar donosi pravilnik kojim se uređuje način obilježavanja i korištenja vozila Ministarstva, a uz saglasnost policijskog komesara za vozila Uprave policije.

DIO DRUGI – ORGANIZACIJA MINISTARSTVA I UPRAVE POLICIJE

POGLAVLJE I. UNUTRAŠNJA ORGANIZACIJA MINISTARSTVA I UPRAVE POLICIJE

Odjeljak A. Unutrašnja organizacija

Član 14.

(Unutrašnja organizacija Ministarstva i Uprave policije)

Unutrašnja organizacija Ministarstva i Uprave policije uređuje se Pravilnikom o unutrašnjoj organizaciji Ministarstva u skladu sa ovim zakonom i drugim propisima.

Član 15.

(Pravilnik o unutrašnjoj organizaciji)

- (1) Pravilnik o unutrašnjoj organizaciji Ministarstva donosi ministar uz saglasnost Vlade Kantona.
- (2) Odredbe Pravilnika iz stava (1) ovog člana koje se odnose na unutrašnju organizaciju Uprave policije predlaže policijski komesar.
- (3) Pravilnikom iz stava (1) i (2) ovog člana utvrđuju se:
 - a) organizacione jedinice i njihov djelokrug rada;

- b) sistematizacija radnih mjesta, koja obuhvata: naziv radnog mjesta, opis poslova, uslove za obavljanje poslova, čin za radna mjesta policijskih službenika, status izvršilaca, broj izvršilaca, vrstu djelatnosti, naziv grupe u koju spadaju poslovi, složenost poslova i druge elemente;
- c) način rukovođenja Ministarstvom, Upravom policije i njihovim organizacionim jedinicama;
- d) odgovornost i ovlaštenja rukovodećih državnih i policijskih službenika;
- e) sastav stručnog kolegija, način rada i pitanja o kojima raspravlja;
- f) broj pripravnika za radna mjesta državnih službenika i namještenika i uslovi za prijem pripravnika;
- g) programiranje i planiranje rada;
- h) način ostvarivanja prava i dužnosti iz radnog odnosa i disciplinska odgovornost;
- i) ostvarivanje javnosti rada;
- j) saradnja u vršenju poslova i zadataka i
- k) druga pitanja od značaja za organizaciju i način rada Ministarstva.

Odjeljak B. Osnovne organizacione jedinice Ministarstva

Član 16. (Organizacione jedinice)

- (1) Osnovne organizacione jedinice Ministarstva su:
 - a) Kabinet ministra;
 - b) Sektor za administraciju;
 - c) Sektor za podršku i
 - d) Inspektorat.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice.
- (3) Unutar osnovnih organizacionih jedinica iz stava (1) i (2) ovog člana utvrđuju se unutrašnje organizacione jedinice, kako bi se na adekvatan i efikasan način osiguralo vršenje poslova iz njihove nadležnosti.

Član 17.

(Nadležnosti organizacionih jedinica Ministarstva)

U okviru poslova iz člana 9. ovog zakona, Ministarstvo, preko svojih osnovnih i unutrašnjih organizacionih jedinica, obavlja sljedeće poslove:

- a) izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- b) izdavanje, poništavanje i zamjena putnih isprava i vođenje evidencija;
- c) registracija motornih vozila, izdavanje vozačkih dozvola i isprava o vozilu i vođenje evidencija;
- d) prijavljivanje i odjavljivanje prebivališta i boravišta građana i vođenje evidencija;
- e) provođenje postupaka za promjenu ličnog imena, utvrđivanje identiteta i promjenu spola;
- f) poslovi sticanja državljanstva Federacije BiH i promjene entitetskog državljanstva;
- g) čuvanje drugog primjerka matičnih knjiga u elektronskom obliku;
- h) inspekcijski nadzor nad vođenjem matičnih knjiga i matičnog registra;
- i) inspekcijski nadzor nad zaštitom od požara i eksplozija iz nadležnosti Ministarstva ;
- j) inspekcijski nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- k) inspekcijski nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- l) upravni i drugi poslovi i zadaci koji su u nadležnost Ministarstva, u skladu sa ovim i drugim zakonima.
- m) drugi poslovi propisani zakonom.

Odjeljak C. Uprava policije

Član 18. (Unutrašnja organizacija Uprave policije)

- (1) Osnovne organizacione jedinice Uprave policije su:
 - a) Ured policijskog komesara,
 - b) Sektor uniformisane policije,

- c) Sektor kriminalističke policije,
 - d) Sektor za pravne, kadrovske i logističke poslove,
 - e) Jedinica za profesionalne standarde i
 - f) Policijske uprave.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice u Upravi policije.
- (3) Unutar osnovnih organizacionih jedinica, Pravilnikom o unutrašnjoj organizaciji Ministarstva mogu se utvrditi unutrašnje organizacione jedinice, kako bi se na adekvatan i efikasan način osiguralo vršenje poslova iz nadležnosti osnovnih organizacionih jedinica Uprave policije.
- (4) Ministar na prijedlog policijskog komesara pravilnikom propisuje način rada Jedinice za profesionalne standarde.

Član 19. **(Nadležnosti Uprave policije)**

U okviru poslova iz člana 9. ovog zakona, Uprava policije, preko svojih osnovnih i unutrašnjih organizacionih jedinica, uz potpunu operativnu samostalnost, obavlja sljedeće poslove:

- a) zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
- b) zaštita života i imovine kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona ;
- c) sprečavanje i borba protiv kriminaliteta i ostalih oblika protivpravnog ponašanja koji su u isključivoj nadležnosti Uprave policije;
- d) otkrivanje i učešće u rasvjetljavanju kriminaliteta i ostalih oblika protivpravnog ponašanja koji su u isključivoj nadležnosti Uprave policije;
- e) kriminalističko - tehnička vještačenja i poslovi kontradiverzione zaštite;
- f) održavanje javnog reda i mira;
- g) poslovi sigurnosti, kontrole i regulisanja saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
- h) poslovi izdavanja odobrenja za nabavljanje, držanje i nošenje oružja i municije, vođenja propisanih evidencija te kontrola istih;
- i) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona;
- j) poslovi i zadaci koji se odnose na održavanje javnih okupljanja;
- k) posebno osiguranje određenih ličnosti i objekata na području Kantona;
- l) poslovi i zadaci policije koje Ministarstvu povjere tužilaštva i sudovi u Bosni i Hercegovini;
- m) poslovi koji se odnose na rad agencija za zaštitu ljudi i imovine i unutrašnjih službi zaštite;
- n) pružanje pomoći građanstvu u vanrednim okolnostima;
- o) pružanje pomoći organima uprave i pravnim licima koja vrše javna ovlaštenja u skladu sa zakonom;
- p) prikupljanje i analiza informacija i podataka iz tačke c) ovog člana, kao i procjena stanja u oblasti unutrašnjih poslova u Kantonu;
- r) vođenje kaznenih i prekršajnih evidencija u skladu sa važećim propisima;
- s) vođenje operativnih i drugih službenih evidencija potrebnih za obavljanje poslova, u skladu sa važećim zakonima i drugim propisima;
- t) razmjena informacija sa tužilaštvima, sudovima i drugim policijskim organima u Bosni i Hercegovini;
- u) saradnja sa drugim sigurnosnim agencijama i drugim organima u Bosni i Hercegovini u okviru poslova Uprave policije;
- v) poslovi i zadaci koje Federalna uprava policije iz svoje nadležnosti povjeri Upravi policije;
- z) izrada plana i programa rada iz nadležnosti Uprave policije;
- aa) donošenje planova radi izvršenja policijskih poslova;
- ab) poslovi kontinuirane edukacije zaposlenika;
- ac) poslovi modernizacije i opremanja za informacioni i radiorelejni sistem Ministarstva i Uprave policije i izrada projekata računarske obrade podataka;
- ad) druge poslove i zadatke utvrđene zakonom i drugim propisima.

POGLAVLJE II. RUKOVOĐENJE

Odjeljak A. Rukovođenje Ministarstvom

Član 20. (Ovlaštenja ministra)

- (1) Ministarstvom rukovodi ministar.
- (2) U cilju provođenja zakona, kantonalne politike i prioriteta u vezi sa unutrašnjim poslovima i izvršavanja zadataka povjerenih od strane Vlade Kantona, pored zadataka utvrđenih drugim zakonima, ministar:
 - a) predstavlja Ministarstvo;
 - b) osigurava provođenje zakona i drugih propisa i efikasno funkcionisanje Ministarstva;
 - c) predlaže donošenje propisa iz nadležnosti Ministarstva;
 - d) donosi provedbene propise i druge opće i pojedinačne akte za koje je zakonom ovlašten;
 - e) organizuje rad Ministarstva;
 - f) odlučuje u upravnim stvarima u skladu sa zakonom;
 - g) organizuje jedinstven sistem izvještavanja i obrade podataka u oblasti unutrašnjih poslova neophodnih za vršenje poslova Ministarstva;
 - h) obavještava javnost o radu Ministarstva i Uprave policije, a o načinu obavještavanja donosi podzakonski akt uz saglasnost policijskog komesara;
 - i) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Ministarstva;
 - j) osigurava saradnju Ministarstva sa drugim državnim organima u Bosni i Hercegovini;
 - k) daje mišljenje na predloženu godišnju ocjenu o radu policijskog komesara na način predviđen u članu 41. stav (3) ovog zakona;
 - l) upravlja i usmjerava obavljanje poslova iz djelokruga rada organizacionih jedinica, izuzev poslova propisanih članom 19. ovog zakona;
 - m) imenuje upravne i druge stručne komisije i odgovarajuća radna tijela;
 - n) odlučuje o nabavci i korištenju sredstava za rad Ministarstva, osim sredstava utvrđenih za namjene iz člana 7. ovog zakona;

- o) odlučuje o sljedećim pravima iz radnog odnosa policijskog komesara: plaći, naknadama, godišnjem odmoru i drugim odsustvima u skladu sa zakonom;
- p) odlučuje o pravima, obavezama i odgovornostima iz radnog odnosa državnih službenika i namještenika Ministarstva, osim državnih službenika i namještenika iz Uprave policije;
- r) daje smjernice policijskom komesaru u vezi sa općim pitanjima sigurnosti;
- s) izvršava i druge poslove i zadatke propisane zakonom.

Član 21. (Odsustvo ministra)

- (1) Ukoliko ministar zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja, radi nesmetanog rada Ministarstva, sekretar Ministarstva obavlja te poslove.
- (2) Za vrijeme dok zamjenjuje ministra u njegovom odsustvu, sekretar Ministarstva ima sva prava, obaveze i ovlaštenja ministra predviđena u članu 20. ovog zakona.

Odjeljak B. Rukovođenje Upravom policije

Član 22. (Ovlaštenja policijskog komesara)

- (1) Policijski komesar rukovodi Upravom policije i ovlašten je da:
 - a) predstavlja Upravu policije, organizira i osigurava obavljanje svih poslova iz nadležnosti Uprave policije;
 - b) nadgleda i usmjerava aktivnosti Uprave policije kojom rukovodi prema godišnjem planu rada Uprave policije i obavezama u rukovođenju iz ovog člana;
 - c) odlučuje u upravnim stvarima iz nadležnosti Uprave policije;
 - d) donosi propise i predlaže ministru donošenje propisa iz nadležnosti Uprave policije za koje je ovlašten zakonom;
 - e) odlučuje o zasnivanju i prestanku radnog odnosa, kao i o pravima i obavezama iz radnog odnosa policijskih službenika;
 - f) odlučuje o pravima, obavezama i odgovornostima iz radnog odnosa državnih službenika i namještenika u Upravi policije;

- g) odlučuje o disciplinskoj odgovornosti policijskih službenika za lakše povrede službene dužnosti na način propisan zakonom;
 - h) priprema prijedloge potrebnih finansijskih i drugih sredstava za rad Uprave policije;
 - i) odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije;
 - j) priprema tromjesečne izvještaje i preporuke u vezi sa realizacijom budžeta koje podnosi ministru;
 - k) imenuje stručne komisije i odgovarajuća radna tijela u vezi sa poslovima iz nadležnosti Uprave policije;
 - l) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Uprave policije;
 - m) organizuje jedinstven sistem izvještavanja i obrade podataka neophodnih za vršenje poslova Uprave policije;
 - n) ostvaruje saradnju sa drugim policijskim organima i agencijama za sprovođenje zakona u Bosni i Hercegovini, te saraduje sa tužilaštvima, sudovima i drugim nadležnim pravosudnim organima o pitanjima iz nadležnosti Uprave policije;
 - o) priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili Skupštine Kantona;
 - p) redovno izvještava ministra o poduzetim aktivnostima Uprave policije, a odmah o događajima i rezultatima poduzetih aktivnosti koje imaju značaj za sigurnost građana i interese Kantona, na osnovu sporazuma između ministra i policijskog komesara;
 - r) sačinjava godišnji izvještaj o svom radu i isti dostavlja ministru;
 - s) obavještava javnost o radu Uprave policije, na osnovu podzakonskog akta iz člana 20. stav (2) tačka h) ovog zakona;
 - t) dostavlja informacije i statističke podatke Federalnoj upravi policije u vezi sa poslovima iz nadležnosti Federalne uprave policije koji su povjereni Upravi policije;
 - u) organizuje i nadzire osiguranje određenih ličnosti i objekata;
 - v) mjesečno izvještava Nezavisni odbor o rezultatima svog rada;
 - z) odobrava upotrebu Specijalne policijske jedinice i Jedinice za sprečavanje narušavanja javnog reda i mira u većem obimu;
 - aa) donosi instrukcije, uputstva i planove radi izvršavanja policijskih poslova;
 - ab) vrši druge poslove koji su propisani ovim i drugim zakonom.
- (2) Policijski komesar je samostalan u operativnom planiranju i provođenju policijskih aktivnosti.
- (3) Policijski komesar za svoj rad odgovoran je ministru i Vladi Kantona.
- (4) Policijski komesar može ovlastiti načelnika Sektora uniformisane policije i načelnika Sektora kriminalističke policije da vrše određene poslove iz stava (1) ovog člana.

Član 23.

(Odsustvo policijskog komesara)

- (1) Ukoliko policijski komesar, zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja u rukovođenju Upravom policije, te poslove vrši načelnik Sektora uniformisane policije, sve dok policijski komesar ne bude u stanju da ponovo preuzme svoju dužnost ili dok se ne imenuje novi policijski komesar.
- (2) U slučaju iz stava (1) ovog člana načelnik Sektora uniformisane policije preuzima dužnosti u momentu nastupanja okolnosti izuzev u slučajevima smjene, ostavke i isteka mandata kada dužnost preuzima narednog dana nakon donošenja rješenja o smjeni, ostavci ili isteku mandata.
- (3) Za vrijeme dok zamjenjuje policijskog komesara u njegovom odsustvu, načelnik Sektora uniformisane policije ima sva prava, obaveze i ovlaštenja policijskog komesara predviđena u članu 22. ovog zakona.
- (4) Ukoliko je načelnik Sektora uniformisane policije, zbog pravnih ili stvarnih razloga spriječen da vrši poslove iz stava (1) ovog člana, načelnik Sektora kriminalističke policije zamjenjuje policijskog komesara i ostvaruje prava, obaveze i ovlaštenja predviđena u članu 22. ovog zakona.
- (5) Ukoliko policijskom komesaru prestane mandat zbog smjene, prihvatanja ostavke, isteka mandata ili nemogućnosti da ponovo preuzme poslove, Vlada Kantona imenuje novog policijskog komesara u skladu sa ovim zakonom.

**POGLAVLJE III. POSTUPAK IMENOVANJA,
MANDAT, OCJENA RADA,
POSTUPAK SMJENE I
RAZUJEŠENJA, DISCIPLINSKA
ODGOVORNOST I SUSPENZIJA
POLICIJSKOG KOMESARA**

Odjeljak A. Nadležnost i imenovanje Nezavisnog odbora

**Član 24.
(Nezavisni odbor)**

- (1) Nezavisni odbor je tijelo Skupštine Kantona koje objavljuje konkurs i provodi postupak odabira kandidata za policijskog komesara (u daljem tekstu: odabir kandidata), prati rad policijskog komesara i obavlja druge poslove određene ovim zakonom.
- (2) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Nezavisni odbor.
- (3) Konkurs se objavljuje u "Službenim novinama Zeničko-dobojskog kantona" i u najmanje dva dnevna lista koja se distribuiraju na cijeloj teritoriji Bosne i Hercegovine.
- (4) Konkurs za imenovanje Nezavisnog odbora sadrži:
 - a) nadležnost Nezavisnog odbora;
 - b) uslove iz člana 26. ovog zakona;
 - c) spisak potrebnih dokumenata koje kandidat prilaže uz prijavu, kao i onih koji se pribavljaju po službenoj dužnosti.
- (5) Rok za podnošenje prijave je 15 dana od dana zadnjeg objavljivanja konkursa.
- (6) Nezavisni odbor radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

**Član 25.
(Sastav Nezavisnog odbora)**

- (1) Nezavisni odbor se sastoji od sedam članova koji nisu zaposleni u Ministarstvu i Upravi policije kao i drugim ministarstvima unutrašnjih poslova i policijskim organima u Bosni i Hercegovini.
- (2) Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke.

- (3) Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

**Član 26.
(Uslovi za imenovanje Nezavisnog odbora)**

Član Nezavisnog odbora mora ispunjavati sljedeće uslove:

- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje sedam godina radnog iskustva u struci, prioritarno u oblasti pravnih, kriminalističkih, kriminoloških, bezbjednosnih ili drugih društvenih nauka;
- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti.

**Član 27.
(Sukob interesa)**

- (1) Član Nezavisnog odbora ne smije biti u sukobu interesa u vezi sa radom Uprave policije i Ministarstva.
- (2) Sukob interesa iz stava (1) ovog člana postoji kada lice predloženo za imenovanje za člana Nezavisnog odbora ima lični interes u policijskim poslovima, koji može uticati na zakonitost, transparentnost, objektivnost i nepristrasnost u obavljanju poslova člana Nezavisnog odbora, kao i u drugim slučajevima propisanim zakonom.

**Član 28.
(Imenovanje i trajanje mandata Nezavisnog odbora)**

- (1) Članovi Nezavisnog odbora se imenuju na mandat od četiri godine.
- (2) Mandat člana Nezavisnog odbora može se obnoviti samo jednom uzastopno.

(3) Postupak izbora Nezavisnog odbora pokreće se najkasnije šest mjeseci prije isteka mandata postojećeg Nezavisnog odbora.

(4) Ukoliko mandat Nezavisnog odbora istekne prije imenovanja novog Nezavisnog odbora postojeći Nezavisni odbor nastavlja vršiti svoje dužnosti sve do imenovanja novog Nezavisnog odbora.

(5) Procedura imenovanja i razrješenja članova Nezavisnog odbora provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 11/13).

Član 29. (Finansiranje Nezavisnog odbora)

(1) Rad Nezavisnog odbora finansira se sa budžetske pozicije Skupštine Kantona.

(2) Članovi Nezavisnog odbora imaju pravo na naknadu za svoj rad a visinu naknade utvrđuje Skupština Kantona.

Član 30. (Nadležnost Nezavisnog odbora)

(1) Nadležnost Nezavisnog odbora je da:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene o radu policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine Kantona sačinjava i dostavlja dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona;

(2) Administrativne poslove za Nezavisni odbor obavlja Stručna služba Skupštine Kantona.

Član 31. (Funkcionisanje i odlučivanje Nezavisnog odbora)

(1) Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

(2) Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenjaju u skladu sa poslovníkom o radu.

(3) Nezavisni odbor se sastaje najmanje jedanput mjesečno.

(4) Nezavisni odbor može zasjedati ukoliko je prisutno pet od sedam članova.

(5) Na redovnim sjednicama Nezavisni odbor donosi odluke, za koje su glasala najmanje četiri člana.

(6) Na sjednicama na kojima se odlučuje o izboru, prijedlogu o smjeni i godišnjoj ocjeni rada policijskog komesara, Nezavisni odbor donosi odluke za koje je glasalo najmanje pet članova.

(7) Odluke se donose javno, a zapisnik o glasanju članova Nezavisnog odbora koji sadrži izjašnjenje svakog člana je dostupan javnosti.

Član 32. (Postupak i uslovi za razrješenje člana Nezavisnog odbora)

(1) Skupština Kantona razrješava dužnosti člana Nezavisnog odbora u sljedećim slučajevima i to:

- a) ako prestane ispunjavati bilo koji od uslova na osnovu kojih je imenovan za člana Nezavisnog odbora;
- b) ako ne obavlja poslove u skladu sa zakonom i usvojenim poslovníkom o radu;
- c) ako neopravdano ne prisustvuje uzastopno na tri sjednice Nezavisnog odbora;
- d) ako, prema ocjeni nadležne zdravstvene institucije, postane trajno nesposoban za obavljanje poslova;
- e) ako postoji sukob interesa propisan članom 27. ovog zakona,
- f) na njegov lični zahtjev.

(2) U slučaju prestanka mandata usljed razrješenja ili smrti člana Nezavisnog odbora mandat novog člana koji je imenovan u skladu sa propisanim uslovima iz člana 26. ovog zakona traje do isteka mandata Nezavisnog odbora iz člana 28. stav (1) ovog zakona.

Odjeljak B. Konkursna procedura, imenovanje i mandat policijskog komesara

Član 33.

(Uslovi za imenovanje policijskog komesara)

Kandidat za policijskog komesara mora ispunjavati sljedeće uslove:

- a) da je državljanin Bosne i Hercegovine;
- b) da je zdravstveno sposoban za vršenje poslova;
- c) da ima najmanje VII stepen školske spreme ili najmanje završen prvi ciklus visokog obrazovanja bolonjskog sistema studiranja sa 240 ECTS bodova;
- d) da ima najmanje tri godine u činu glavnog inspektora;
- e) da nije pravosnažno osuđivan za krivično djelo;
- f) da se protiv njega ne vodi krivični postupak u skladu sa zakonima o krivičnom postupku u Bosni i Hercegovini;
- g) da nije disciplinski kažnjavao za teže povrede službene dužnosti;
- h) da se na njega ne odnosi odredba člana IX stav 1. Ustava Bosne i Hercegovine;
- i) da na dan početka mandata ne ispunjava uslove za penzionisanje predviđene zakonom;
- j) da nije bio član političke stranke nakon stupanja na snagu Zakona o policijskim službenicima Zeničko-dobojskog kantona - prečišćeni tekst ("Službene novine Zeničko-dobojskog kantona", broj: 4/14 i 2/18), (u daljem tekstu: Zakon o policijskim službenicima) ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- k) da nije bio na bilo kojoj poziciji u političkoj stranci na bilo kojem nivou i da nije bio postavljen na bilo koju poziciju od strane političke stranke nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen, u vrijeme prijavljivanja na konkurs;

l) da nije bio član izvršnog ili zakonodavnog tijela na bilo kojem nivou vlasti u Bosni i Hercegovini, nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs.

Član 34.

(Konkursna procedura)

- (1) Nezavisni odbor objavljuje javni konkurs najkasnije u roku 3 (tri) mjeseca prije isteka mandata policijskog komesara.
- (2) U slučaju razrješenja policijskog komesara, javni konkurs raspisuje se u roku od 15 dana od dana razrješenja.
- (3) Javni konkurs objavljuje se u "Službenim novinama Federacije Bosne i Hercegovine" i u najmanje dva dnevna lista koji se distribuiraju na cijeloj teritoriji Bosne i Hercegovine.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Tokom provođenja konkursa primjenjuje se princip transparentnosti i zakonitosti.

Član 35.

(Kriteriji odabira)

- (1) Kandidati koji ispunjavaju uslove konkursa dostavljaju svoj prijedlog plana i programa rada za vrijeme trajanja mandata.
- (2) Pored razgovora, u procesu odabira kandidata Nezavisni odbor uzima u obzir sljedeće kvalifikacije:
 - a) stručno usavršavanje;
 - b) godine policijskog iskustva na rukovodećim radnim mjestima;
 - c) ocjenu rada u posljednje tri godine i
 - d) ostale kvalifikacije koje odgovaraju potrebama radnog mjesta.
- (3) Pored dokumentacije iz člana 33. ovog zakona, kandidat koji se poziva na razgovor dostavlja i dokumentaciju kojom dokazuje kvalifikacije iz stava (2) ovog člana.
- (4) Nezavisni odbor sačinjava rang listu kandidata na osnovu rezultata razgovora, ocjene kvalifikacija i predloženog plana rada iz stava (1) i (2) ovog člana.

Član 36.

(Postupak sačinjavanja rang liste kandidata za policijskog komesara)

- (1) Nezavisni odbor razmatra prijave kandidata, provjerava dokumentaciju kandidata i u skladu sa propisanim uslovima iz člana 33. i kriterijima iz člana 35. ovog zakona utvrđuje rang listu od najmanje dva kandidata.
- (2) Rang listu sa obrazloženjem Nezavisni odbor dostavlja ministru u roku od 20 dana od dana isteka roka za podnošenje prijave na konkurs.

Član 37.

(Prijedlog Vladi Kantona)

- (1) Najkasnije u roku od osam dana od prijema rang liste iz člana 36. stav (2) ovog zakona, ministar upućuje prijedlog sa imenima dva najbolje rangirana kandidata i obrazloženje Nezavisnog odbora Vladi Kantona radi imenovanja jednog od kandidata za policijskog komesara.
- (2) Ukoliko ministar ne uputi prijedlog kandidata u roku iz stava (1) ovog člana, Nezavisni odbor dostavlja rang listu sa imenima dva najbolje rangirana kandidata direktno Vladi Kantona, koja će imenovati jednog od kandidata za policijskog komesara.

Član 38.

(Ponavljanje procesa izbora i prijedlog jednog kandidata)

- (1) Ukoliko Nezavisni odbor na osnovu objavljenog konkursa ne može sačiniti listu od dva kandidata koji ispunjavaju uslove konkursa, konkurs će se ponoviti u roku od 15 dana od dana okončanja objavljenog konkursa.
- (2) Ukoliko se po ponovljenom konkursu ne može sačiniti rang lista od dva kandidata, Nezavisni odbor prijedlog jednog kandidata koji ispunjava uslove iz konkursa, putem ministra dostavlja Vladi Kantona radi imenovanja.
- (3) Ministar prijedlog iz stava (2) ovog člana prosljeđuje Vladi Kantona u roku od osam dana od dana prijema prijedloga.
- (4) Ukoliko ministar ne uputi prijedlog kandidata u roku iz stava (3) ovog člana, Nezavisni odbor dostavlja prijedlog sa imenom kandidata iz stava (2) ovog člana direktno Vladi Kantona osam dana nakon isteka roka iz stava (3) ovog člana.

- (5) Kandidati za policijskog komesara sa liste iz člana 36. odnosno kandidat iz stava (2) ovog člana, daju pisanu izjavu o svom imovinskom stanju koju Nezavisni odbor dostavlja posredstvom ministra Vladi Kantona.

Član 39.

(Imenovanje policijskog komesara)

- (1) U roku od 15 dana, od dana prijema prijedloga, u skladu sa članom 37. odnosno članom 38. ovog Zakona, Vlada Kantona donosi rješenje o imenovanju policijskog komesara i dodjeli čina generalni inspektor policije koje se objavljuje u "Službenim novinama Zeničko-dobojskog kantona".
- (2) Mandat policijskog komesara je četiri godine, a može se obnoviti samo jednom uzastopno.
- (3) Mandat policijskog komesara može se prekinuti samo u slučajevima predviđenim ovim Zakonom.
- (4) Policijski komesar se po isteku mandata vraća u čin glavnog inspektora i raspoređuje na radno mjesto koje odgovara navedenom činu.

Odjeljak C. Praćenje rada, godišnja ocjena o radu, razrješenje, disciplinska odgovornost i suspenzija policijskog komesara

Član 40.

(Praćenje rada policijskog komesara)

- (1) Nezavisni odbor prati rad policijskog komesara na osnovu mjesečnog izvještaja o radu.
- (2) U skladu sa članom 30. stav (1) tačka f) ovog zakona Nezavisni odbor postupa po podnesenim pritužbama na rad policijskog komesara.
- (3) Nezavisni odbor ima pravo pristupa informacijama u skladu sa odredbama Zakona o zaštiti ličnih podataka i Zakonom o zaštiti tajnih podataka, a podaci i dokumentacija čija je operativna aktivnost u toku se ne mogu dostavljati Nezavisnom odboru.

Član 41.

(Godišnja ocjena o radu policijskog komesara)

- (1) Nezavisni odbor utvrđuje prijedlog godišnje ocjene o radu policijskog komesara na osnovu podataka iz člana 40. stav (1) ovog zakona, te utvrđeni prijedlog godišnje ocjene o radu policijskog komesara posredstvom ministra dostavlja Vladi Kantona.

- (2) Policijski komesar je dužan dati svoje pisano izjašnjenje o prijedlogu ocjene iz stava (1) ovog člana.
- (3) Ministar, prijedlog ocjene Nezavisnog odbora o radu policijskog komesara, izjašnjenje policijskog komesara i svoje mišljenje o predloženoj ocjeni dostavlja Vladi Kantona na odlučivanje.
- (4) Vlada Kantona, na osnovu prijedloga ocjene i izjašnjenja iz stava (2) i mišljenja iz stava (3) ovog člana, donosi godišnju ocjenu o radu policijskog komesara.
- (5) Policijski komesar može izjaviti prigovor Vladi Kantona na odluku iz člana (4) ovog člana u roku od 8 (osam) dana od dana prijema odluke o ocjeni.
- (6) Odluka Vlade Kantona po prigovoru je konačna.
- (7) Godišnja ocjena o radu policijskog komesara može biti "uspješan" ili "ne zadovoljava".

Član 42.

(Prijedlog Nezavisnog odbora za razrješenje policijskog komesara)

- (1) Nezavisni odbor podnosi prijedlog za razrješenje policijskog komesara Vladi Kantona putem ministra u sljedećim slučajevima i to:
- a) na lični zahtjev policijskog komesara;
 - b) ako, prema ocjeni nadležne zdravstvene institucije, policijski komesar postane trajno nesposoban za obavljanje poslova;
 - c) ako je konačnom odlukom utvrđena disciplinska odgovornost policijskog komesara i izrečena sankcija prestanak radnog odnosa;
 - d) ako je policijskom komesaru izrečena pravosnažna kazna zatvora za krivično djelo;
 - e) ako je policijski komesar ocijenjen godišnjom ocjenom "ne zadovoljava";
 - f) u slučaju smrti policijskog komesara.
- (2) Prijedlog za razrješenje iz stava (1) ovog člana ministar, uz svoje mišljenje, dostavlja Vladi Kantona.
- (3) Vlada Kantona u roku od 30 dana od dana prijema prijedloga za razrješenje i mišljenja iz stava (2) ovog člana razmatra prijedlog i donosi odluku o razrješenju policijskog komesara.

- (4) Odlukom iz stava (3) ovog člana Vlada Kantona policijskom komesaru oduzima čin generalnog inspektora policije.

Član 43.

(Inicijativa ministra za razrješenje policijskog komesara)

Ministar može podnijeti inicijativu za razrješenje policijskog komesara kada se raspolože dokazima da policijski komesar ne izvršava poslove iz člana 22. stav (1) tačke b) i p) ovog zakona.

Član 44.

(Postupak po inicijativi ministra za razrješenje policijskog komesara)

- (1) Inicijativu iz člana 43. ovog zakona ministar dostavlja Nezavisnom odboru na razmatranje i davanje mišljenja.
- (2) Nezavisni odbor dužan je svoje mišljenje dati u roku od sedam dana od dana prijema inicijative.
- (3) Ministar svoju inicijativu za razrješenje policijskog komesara i mišljenje Nezavisnog odbora dostavlja Vladi Kantona na razmatranje i odlučivanje.
- (4) Vlada Kantona u roku od 15 dana od dana prijema inicijative i mišljenja iz stava (3) ovog člana razmatra inicijativu i donosi konačnu odluku.

Član 45.

(Nadležnost Nezavisnog odbora u vezi sa disciplinskim postupkom)

- (1) Nezavisni odbor može inicirati pokretanje disciplinskog postupka za povrede službene dužnosti policijskog komesara propisane ovim zakonom.
- (2) Disciplinski postupak se vodi u skladu sa odredbama ovog zakona.
- (3) Nezavisni odbor razmatra svaku primljenu pritužbu, provjerava navode i donosi ocjenu o njenoj osnovanosti, najkasnije u roku od 30 dana od dana prijema pritužbe.
- (4) Ukoliko Nezavisni odbor ocijeni da postoje osnovi sumnje da je počinjena povreda službene dužnosti, Vladi Kantona dostavlja zahtjev da imenuje disciplinske organe iz člana 48. ovog zakona.

- (5) Stručna služba Vlade Kantona, najkasnije u roku od 15 dana od dana prijema zahtjeva Nezavisnog odbora, predlaže Vladi Kantona rješenja o imenovanju disciplinskih organa za utvrđivanje disciplinske odgovornosti policijskog komesara.
- (6) Ukoliko Nezavisni odbor primi pritužbu koja sadrži elemente koji mogu uključivati i krivičnu odgovornost policijskog komesara, istu prosljeđuje nadležnom tužilaštvu najkasnije u roku od sedam dana od donošenja ocjene o osnovanosti.

Član 46.

(Povrede službene dužnosti)

Policijski komesar disciplinski odgovara za sljedeće povrede službene dužnosti:

- a) neizvršavanje, nesavjesno, neblagovremeno ili nepažljivo izvršavanje službenih zadataka;
- b) vršenje aktivnosti koje nisu u skladu sa interesima policijskog organa;
- c) ponašanje koje onemogućava, ometa ili otežava drugima izvršavanje službenih zadataka;
- d) ponašanje koje narušava ugled policijskog organa;
- e) sprečavanje, izbjegavanje, ometanje ili na drugi način odgađanje provođenja internog ili disciplinskog postupka protiv državnog službenika, policijskog službenika ili namještenika;
- f) sprečavanje građana ili pravnih lica u ostvarivanju njihovih prava pri podnošenju zahtjeva, žalbi, pritužbi, molbi i drugih podnesaka ili neodlučivanje po tim podnescima u zakonskom roku;
- g) činjenje ili nečinjenje koje vodi otkrivanju tajnih podataka;
- h) zloupotreba službenog položaja;
- i) odbijanje izvršavanja zakonitih naredbi nadležnih organa;
- j) nepoduzimanje ili nedovoljno poduzimanje mjera iz svoje nadležnosti;
- k) učestvovanje u političkim aktivnostima koje nisu u skladu sa službom policijskog službenika, bilo za vrijeme ili van dužnosti;
- l) protivpravno pribavljanje lične ili imovinske koristi za sebe ili za druge u vezi sa radom;
- m) izdavanje naređenja čije bi izvršenje predstavljalo krivično djelo;

- n) vršenje diskriminacije pri obavljanju dužnosti na osnovu: rase, boje kože, spola, jezika, religije, političkog ili drugog opredjeljenja, nacionalnog ili socijalnog porijekla ili po bilo kojem drugom osnovu.

Član 47.

(Disciplinska, krivična i prekršajna odgovornost policijskog komesara)

- (1) Policijski komesar odgovara za povrede službene dužnosti koje nastaju kao rezultat njegove krivice.
- (2) Krivična odgovornost za krivično djelo i prekršajna odgovornost za prekršaj ne isključuje disciplinsku odgovornost policijskog komesara ako počinjeno krivično djelo ili prekršaj istovremeno predstavlja i povredu službene dužnosti.
- (3) Oslobođanje od krivične ili prekršajne odgovornosti ne podrazumijeva istovremeno i oslobođanje od disciplinske odgovornosti policijskog komesara.

Član 48.

(Organi disciplinskog postupka)

- (1) Organi disciplinskog postupka nadležni za utvrđivanje disciplinske odgovornosti policijskog komesara su:
 - a) Disciplinski tužilac;
 - b) Prvostepena disciplinska komisija;
 - c) Drugostepena disciplinska komisija.
- (2) Organi navedeni u stavu (1) ovog člana su privremeni organi i imenuju se po potrebi, rješenjem Vlade Kantona.

Član 49.

(Sastav organa disciplinskog postupka)

- (1) Disciplinski tužilac mora biti diplomirani pravnik i imenuje se iz reda državnih službenika.
- (2) Prvostepenu disciplinsku komisiju čine tri državna službenika od kojih najmanje dva člana moraju biti diplomirani pravnici.
- (3) Drugostepenu disciplinsku komisiju čini pet državnih službenika od kojih najmanje tri člana moraju biti diplomirani pravnici.
- (4) Državni službenici iz stava (1), (2) i (3) ovog člana nisu zaposlenici Ministarstva i Uprave policije.

Član 50.
(Disciplinske sankcije)

- (1) Za povrede službene dužnosti iz člana 46. ovog zakona mogu se izreći sljedeće disciplinske sankcije:
 - a) pismena opomena;
 - b) novčana kazna u iznosu do 40% osnovne plaće na period do šest mjeseci;
 - c) prestanak radnog odnosa.
- (3) Pismena opomena se izriče za povredu službene dužnosti iz člana 46. tačka e) ovog zakona.
- (4) Disciplinska sankcija prestanak radnog odnosa izriče se u slučaju kada se ocijeni da su izvršene povrede službene dužnosti izazvale teže posljedice za sigurnost u Kantonu i da je prestanak radnog odnosa jedina odgovarajuća disciplinska sankcija za nastale posljedice.

Član 51.
(Pravila postupka)

- (1) Ukoliko postoje osnovi sumnje iz člana 45. stav (4) ovog zakona, Nezavisni odbor dostavlja disciplinskom tužiocu inicijativu za pokretanje disciplinskog postupka u roku od osam dana od dana imenovanja organa iz člana 48. ovog Zakona.
- (2) Po prijemu inicijative iz stava (1) ovog člana, disciplinski tužilac preduzima sve potrebne radnje u cilju ispitivanja osnovanosti inicijative.
- (3) Disciplinski tužilac je dužan u roku od 30 dana od dana prijema inicijative donijeti ocjenu o njenoj osnovanosti.
- (4) Ukoliko utvrdi da je inicijativa osnovana, disciplinski tužilac podnosi zahtjev prvostepenoj disciplinskoj komisiji za pokretanje disciplinskog postupka protiv policijskog komesara.
- (5) Prvostepeni i drugostepeni disciplinski postupak za utvrđivanje disciplinske odgovornosti policijskog komesara provodi se po pravilima disciplinskog postupka koja su utvrđena Pravilnikom o disciplinskoj odgovornosti policijskih službenika Ministarstva unutrašnjih poslova Zeničko-dobojskog kantona, izuzimajući odredbe o povredama službene dužnosti, internom postupku, organima disciplinskog postupka i disciplinskim sankcijama.

Član 52.
(Obaveza saradnje)

Sve organizacione jedinice Ministarstva i Uprave policije saraduju sa organima disciplinskog postupka, uključujući i pristup relevantnim podacima i osoblju.

Član 53.
(Suspenzija policijskog komesara)

- (1) Policijski komesar se privremeno suspenduje sa rada ako je protiv njega potvrđena optužnica za krivično djelo do okončanja krivičnog postupka.
- (2) Vlada Kantona na prijedlog ministra donosi odluku o privremenoj suspenziji u skladu sa stavom (1) ovog člana i odluka o suspenziji je konačna.
- (3) Tokom suspenzije službeno oružje, značka i službena iskaznica policijskog komesara oduzimaju se i zabranjeno mu je nositi službenu uniformu.
- (4) Tokom suspenzije policijski komesar ima pravo na 85% od svoje plaće.
- (5) Policijski komesar ima pravo na punu naknadu svoje plaće i druga prava po osnovu rada ako se utvrdi da nije odgovoran za učinjenje krivičnog djela.

POGLAVLJE IV. URED ZA PRITUŽBE JAVNOSTI

Član 54.
(Nadležnosti Ureda)

- (1) Ured za pritužbe javnosti (u daljem tekstu: Ured) je nezavisno tijelo Skupštine Kantona.
- (2) Nadležnost Ureda je da:
 - a) prima, razmatra, procjenjuje i prosljeđuje pritužbe na rad policijskih službenika Uprave policije, izjavljenih od građana, pravnih lica i drugih subjekata;
 - b) podnosi inicijativu za pokretanje internog postupka protiv policijskog službenika zbog povrede službene dužnosti;
 - c) prati, nadzire predmete i interni postupak koje provodi Jedinica za profesionalne standarde;

- d) prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja;
 - e) prati i nadgleda da li Jedinica za profesionalne standarde obavještava podnosioca pritužbe o ishodu internog postupka u pisanoj formi;
 - f) vodi evidencije i baze podataka o pritužbama građana i rezultatima istrage na osnovu kojih je pokrenut disciplinski, prekršajni ili krivični postupak;
 - g) zahtijeva dodatno izvođenje dokaza u internom postupku ako mišljenje Ureda nije jednako mišljenju Jedinice za profesionalne standarde;
 - h) prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu;
 - i) inicira pokretanje postupka za utvrđivanje odgovornosti protiv policijskog službenika Uprave policije koji bude odlagao, opstruirao ili prikrivao informacije vezane uz bilo koju povredu službene dužnosti;
 - j) zahtijeva pokretanje disciplinskog postupka protiv zaposlenika Jedinice za profesionalne standarde zbog zloupotrebe ili zapostavljanja postupka;
 - k) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak;
 - l) dostavlja Nezavisnom odboru pritužbe koje se odnose na rad policijskog komesara;
 - m) priprema i podnosi godišnji izvještaj o svom radu Skupštini Kantona, a na zahtjev Skupštine Kantona sačinjava i dostavlja dodatni izvještaj o svom radu;
 - n) obavještava javnost o svom radu;
 - o) donosi poslovnik o svom radu i
 - p) obavlja i druge poslove propisane zakonom i podzakonskim propisima.
- (3) Ako se pritužba odnosi na državnog službenika ili namještenika Ministarstva ili Uprave policije, Ured prosljeđuje pritužbu ministru, odnosno policijskom komesaru u roku 15 dana od dana prijema pritužbe.
- (4) Pod pritužbom se podrazumijeva podnesak koji se odnosi na nepravilan rad policijskih službenika.

Član 55.
(Sastav Ureda)

- (1) Ured se sastoji od pet članova i to predsjedavajućeg i četiri člana.
- (2) Predsjedavajući i tri člana Ureda su iz reda građana, a jedan član je državni službenik zaposlen u Ministarstvu ili Upravi policije.
- (3) Najmanje jedan član Ureda mora biti diplomirani pravnik odnosno osoba sa stečenom diplomom visokog obrazovanja pravne struke.
- (4) Sastav Ureda odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštovanje spolne zastupljenosti.

Član 56.
(Uslovi za imenovanje članova i predsjedavajućeg Ureda)

- (1) Član Ureda mora ispunjavati sljedeće uslove:
 - a) da je državljanin Bosne i Hercegovine;
 - b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje pet godina radnog iskustva u struci u oblasti pravnih ili drugih društvenih nauka;
 - c) da nije član političke stranke;
 - d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
 - e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
 - f) da nije osuđivan za krivično djelo;
 - g) da se protiv njega ne vodi krivični postupak i
 - h) da mu nije izrečena disciplinska sankcija za teže povrede službene dužnosti.
- (2) Predsjedavajući Ureda pored uslova iz stava (1) ovog člana mora imati najmanje deset godina rukovodnog radnog iskustva na pravnim poslovima.

Član 57.
(Procedura i imenovanje Ureda)

- (1) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Ured.
- (2) Konkurs se objavljuje u „Službenim novinama Zeničko-dobojskog kantona“ i u najmanje dva dnevna lista koja se distribuiraju na cijeloj teritoriji Bosne i Hercegovine.
- (3) Konkurs za imenovanje Ureda sadrži:
 - a) nadležnost Ureda;
 - b) uslove iz člana 56. ovog zakona;
 - c) spisak potrebnih dokumenata koje kandidat prilaže uz prijavu na konkurs, kao i onih koji se pribavljaju po službenoj dužnosti.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Ured radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.
- (6) Postupak izbora Ureda provodi se prema odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 11/13).
- (7) Ured se imenuje na mandat od četiri godine a može se obnoviti samo jednom uzastopno.
- (8) Postupak izbora Ureda pokreće se najkasnije šest mjeseci prije isteka mandata postojećeg Ureda.
- (9) Odluka o imenovanju Ureda je konačna.
- (10) Ukoliko mandat Ureda istekne prije imenovanja novog, postojeći Ured nastavlja vršiti svoje dužnosti sve do imenovanja novog Ureda.

Član 58.
(Finansiranje Ureda)

- (1) Rad Ureda finansira se sa budžetske pozicije Skupštine Kantona.

- (2) Predsjedavajući i članovi Ureda imaju pravo na naknadu za svoj rad a visinu naknade utvrđuje Skupština Kantona.

Član 59.
(Postupak i uslovi za razrješenje)

- (1) Skupština Kantona razrješava dužnosti predsjedavajućeg ili člana Ureda u sljedećim slučajevima i to:
 - a) ako prestane ispunjavati bilo koji od uslova na osnovu kojih je imenovan;
 - b) ako ne obavlja poslove u skladu sa zakonom i usvojenim poslovnikom o radu;
 - c) ako neopravdano ne prisustvuje uzastopno na tri sjednice Ureda;
 - d) ako, prema ocjeni nadležne zdravstvene institucije, predsjednik ili član Ureda postane trajno nesposoban za obavljanje poslova;
 - e) na njegov lični zahtjev.
- (2) U slučaju prestanka mandata usljed razrješenja ili smrti predsjedavajućeg ili člana Ureda mandat novog predsjedavajućeg ili člana koji je imenovan u skladu sa propisanim uslovima iz člana 56. ovog zakona traje do isteka mandata Ureda iz člana 57. stav (7) ovog zakona.

POGLAVLJE V. ZAPOSLENICI MINISTARSTVA I UPRAVE POLICIJE, DAN POLICIJE I NAGRAĐIVANJE

Član 60.
(Zaposlenici Ministarstva i Uprave policije)

- (1) Poslove i zadatke iz nadležnosti Ministarstva i Uprave policije obavljaju policijski službenici, državni službenici i namještenici (u daljem tekstu: zaposlenici).
- (2) Državni službenici i namještenici Ministarstva i Uprave policije imaju službenu iskaznicu čiji se izgled, sadržaj i upotreba propisuje pravilnikom koji donosi ministar.
- (3) Za određena radna mjesta državnih službenika i namještenika u Ministarstvu i Upravi policije može se utvrditi dodatak na plaću u visini do 30% od osnovne plaće.

- (4) Vlada Kantona na prijedlog ministra i policijskog komesara utvrđuje radna mjesta i visinu dodatka iz stava (3) ovog člana.

Član 61.
(Stručno obrazovanje i usavršavanje)

- (1) Svi zaposlenici Ministarstva su obavezni da se stručno obrazuju i usavršavaju.
- (2) Sredstva za stručno osposobljavanje i usavršavanje iz stava (1) ovog člana će biti predviđena u Budžetu Kantona, na budžetskoj poziciji Ministarstva i Uprave policije.

Član 62.
(Pripravnici)

Pripravnici se primaju u Ministarstvo u skladu sa propisima kojima se reguliše radni odnos državnih službenika i namještenika.

Član 63.
(Kadeti)

- (1) Uprava policije vrši odabir kandidata za pohađanje obuke za policijske službenike - kadete u skladu sa Zakonom o policijskim službenicima.
- (2) Sredstva za obuku kadeta osiguravaju se u budžetu Kantona na budžetskoj poziciji Uprave policije.
- (3) Obuka kadeta za potrebe Uprave policije se reguliše posebnim ugovorom između Uprave policije i institucije u kojoj se vrši osnovna policijska obuka.

Član 64.
(Međusobne obaveze kadeta i Uprave policije)

- (1) Međusobne obaveze između kadeta i Uprave policije se regulišu posebnim ugovorom.
- (2) Za vrijeme obuke kadeti imaju obezbijeđen smještaj, hranu, kompletnu uniformu, udžbenike, zdravstveno i invalidsko osiguranje ako nemaju takvo osiguranje po drugoj osnovi, i mjesečna primanja dovoljna da pokriju osnovne lične troškove.
- (3) Sredstva za školovanje kadeta u instituciji koja obezbjeđuje osnovnu policijsku obuku osiguravaju se u budžetu Kantona, na budžetskoj poziciji Uprave policije.

Član 65.
(Dan policije)

- (1) Ovim zakonom utvrđuje se 15. maj kao dan policije u Kantonu.
- (2) U povodu obilježavanja dana policije Ministarstvo i Uprava policije organizuju svečanost uz dodjelu nagrada i priznanja.

Član 66.
(Nagrade)

- (1) Organizacionim jedinicama i zaposlenicima Ministarstva i Uprave policije mogu biti dodijeljene nagrade i priznanja za postignuti uspjeh u vršenju njihovih poslova.
- (2) Fizičkim i pravnim licima mogu biti dodijeljene zahvalnice i priznanja za saradnju i doprinos u radu Ministarstva i Uprave policije.
- (3) Nagrade i priznanja iz stava (1) ovog člana dodjeljuju se zajedničkom odlukom ministra i policijskog komesara.
- (4) Na prijedlog policijskog komesara ministar donosi pravilnik o nagradama i priznanjima iz stava (1) i (2) ovog člana kojim se propisuje način predlaganja i postupak donošenja odluka o nagradama i priznanjima kao i druga pitanja vezana za nagrade i priznanja.
- (5) O dodijeljenim nagradama i priznanjima vodi se evidencija čiji se sadržaj i način vođenja propisuje pravilnikom iz stava (4) ovog člana.

**DIO TREĆI – MEĐUSOBNI ODNOSI I SARADNJA
MINISTARSTVA I UPRAVE POLICIJE SA
MINISTARSTVOM SIGURNOSTI BOSNE I
HERCEGOVINE, DRUGIM MINISTARSTVIMA
UNUTRAŠNJIH POSLOVA, POLICIJSKIM
ORGANIMA I ORGANIMA UPRAVE U BOSNI I
HERCEGOVINI**

Član 67.
(Principi saradnje)

Međusobni odnosi Ministarstva i Uprave policije sa Ministarstvom sigurnosti Bosne i Hercegovine, drugim ministarstvima unutrašnjih poslova, policijskim organima i organima uprave u Bosni i Hercegovini zasnivaju se na uzajamnoj saradnji, kontaktima, sporazumima, protokolima, ugovorima i razmjeni informacija od zajedničkog interesa u skladu sa zakonom.

Član 68.**(Saradnja sa jedinicama lokalne samouprave u Kantonu)**

- (1) Ministarstvo i Uprava policije putem nadležne policijske uprave ili policijske stanice na zahtjev gradskog odnosno općinskog vijeća ili gradonačelnika odnosno općinskog načelnika dostavlja obavještenja, informacije i druge podatke o stanju i problemima iz djelokruga rada Ministarstva na tom području.
- (2) Gradsko odnosno općinsko vijeće ili gradonačelnik odnosno općinski načelnik mogu Ministarstvu dati prijedlog, mišljenje ili pokrenuti inicijativu u vezi sa pitanjima od značaja za bezbjednost na području grada ili općine.
- (3) Ministarstvo i Uprava policije je dužno da razmotri prijedlog, mišljenje ili inicijativu iz stava (2) ovog člana i obavijesti podnosioca o stavu i poduzetim mjerama.

Član 69.**(Saradnja sa Federalnim i kantonalnim ministarstvima unutrašnjih poslova)**

Ministarstvo i Uprava policije saraduju sa Federalnim i kantonalnim ministarstvima unutrašnjih poslova i policijskim organima, u cilju zajedničkog unapređenja rada, usaglašavanja planova rada, preduzimanja zajedničkih aktivnosti i sigurnosnih mjera od zajedničkog interesa.

Član 70.**(Zadaci povjereni od strane Federalnog ministarstva i pružanje pomoći kantonalnim ministarstvima unutrašnjih poslova)**

- (1) Federalno ministarstvo ili Federalna uprava policije, uz saglasnost Ministarstva, odnosno Uprave policije, može povjeriti Ministarstvu odnosno Upravi policije poslove iz svoje nadležnosti.
- (2) Ministarstvo i Uprava policije izvršavaju povjerene zadatke od strane Federalnog ministarstva ili Federalne uprave policije neposredno primjenjujući zakone i druge propise Federacije.
- (3) Federalno ministarstvo nadzire sprovođenje propisa iz stava (2) ovog člana.
- (4) Ministarstvo i Uprava policije mogu pružati pomoć drugim kantonalnim ministarstvima unutrašnjih poslova kad oni to zatraže u skladu sa zakonom.

Član 71.**(Saradnja sa drugim organima, ministarstvima unutrašnjih poslova i ostalim policijskim organima u Bosni i Hercegovini)**

Ministarstvo i Uprava policije saraduju sa Ministarstvom sigurnosti Bosne i Hercegovine, kao i svim direkcijama i agencijama unutar tog Ministarstva na osnovu člana 67. ovog zakona.

Član 72.**(Pružanje pomoći policijskim organima u Bosni i Hercegovini)**

- (1) U okviru svoje nadležnosti, Ministarstvo i Uprava policije su dužni saradivati i pružiti pomoć policijskim organima iz člana 76. ovog Zakona, na njihov zahtjev.
- (2) U slučaju da Ministarstvo i Uprava policije preduzmu aktivnosti iz člana 70. ovog zakona i iz stava (1) ovog člana, ministarstva i ostali policijski organi snose dodatne troškove izvršenja tih zadataka a detalji u vezi sa dodatnim troškovima se dogovaraju na uzajamnoj osnovi i po potrebi.

Član 73.**(Pružanje pomoći drugim organima ili pravnim licima)**

- (1) Uprava policije pruža pomoć drugim organima ili pravnim licima kojima je povjereno vršenje javnih ovlaštenja, radi osiguranja izvršenja poslova iz njihove nadležnosti, ako se prilikom izvršenja tih poslova i zadataka naiđe na fizički otpor ili se takav otpor može osnovano očekivati.
- (2) O načinu i obimu pružanja pomoći u smislu stava (1) ovog člana odlučuje rukovodilac nadležne policijske uprave odnosno policijske stanice, prema sjedištu organa, odnosno pravnog lica.
- (3) Kada ocijeni, da se prilikom pružanja pomoći iz stava (1) ovog člana može očekivati organizirani masovni fizički otpor ili upotreba oružja, rukovodilac nadležne policijske uprave odnosno policijske stanice je dužan, prije donošenja odluke iz stava (2) ovog člana, pribaviti pismenu saglasnost policijskog komesara.

Član 74.**(Pružanje pomoći u vanrednim situacijama)**

- (1) U slučaju elementarnih nepogoda, epidemija kao i u drugim vanrednim slučajevima Federalno ministarstvo, Ministarstvo sigurnosti Bosne i Hercegovine i njegove direkcije i agencije, Ministarstvo unutrašnjih poslova

Republike Srpske, Policija Brčko Distrikta ili kantonalno ministarstvo unutrašnjih poslova može od Ministarstva i Uprave policije, kao i Ministarstvo i Uprava policije od njih, zatražiti pomoć u sredstvima, opremi i kadrovima.

- (2) U slučaju iz stava (1) ovog člana Ministarstvo i Uprava policije su dužni pružiti traženu pomoć na način i u obimu koji bitno ne otežava ostvarivanje njihovih funkcija.

Član 75.

(Udruživanje i korištenje sredstava)

- (1) Ministarstvo i Uprava policije, drugi policijski organi i organi uprave u Bosni i Hercegovini mogu udruživati finansijska sredstva radi zajedničke nabavke opreme, uspostave jedinstvenog i funkcionalnog informacijskog i informatičkog sistema, stručnog obučavanja državnih službenika, policijskih službenika i namještenika koji rade na unutrašnjim poslovima i poslovima policije.

- (2) Ministarstvo i Uprava policije mogu zajednički koristiti sredstva Ministarstva i Uprave policije i policijskih organa i organa uprave u Bosni i Hercegovini, za vršenje poslova u vezi sa stručnim osposobljavanjem i usavršavanjem zaposlenika, naučno-istraživačkim radom relevantnim za potrebe policije, razvoja kompleksnih kriminalističkih i tehničkih stručnih procjena, osiguranjem policijske opreme, sistema informacionih tehnologija i komunikacijskih sistema, naoružanja i drugih sličnih sredstava, kao i u vezi drugih zadataka iz svoje nadležnosti.

Član 76.

(Saradnja u krivičnim stvarima)

Uprava policije uspostavlja službenu saradnju u krivičnim stvarima sa drugim policijskim organima u Bosni i Hercegovini, u skladu sa Zakonom o pravnoj pomoći i službenoj saradnji u krivičnim stvarima između Federacije Bosne i Hercegovine, Republike Srpske i Brčko Distrikta („Službene novine Federacije Bosne i Hercegovine“, broj: 25/02) i drugim zakonima i propisima.

Član 77.

(Razmjena informacija i prikupljanje podataka)

U ostvarivanju saradnje iz člana 76. ovog zakona, uspostavlja se kontinuirana razmjena podataka i info-

rmacija između Uprave policije, Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine, Federalne uprave policije, uprava policije drugih kantona, Ministarstva unutrašnjih poslova Republike Srpske, Policije Brčko Distrikta, kao i drugih nadležnih organa.

Član 78.

(Razmjena informacija u određenom slučaju)

- (1) Uprava policije razmjenjuje informacije sa drugim policijskim organima u Bosni i Hercegovini, ako oni smatraju takvu informaciju neophodnom ili ako bi korištenje te informacije pomoglo istražni postupak ili postupanje policije u određenom slučaju.
- (2) Razmjena informacija se vrši u skladu sa Zakonom o zaštiti tajnih podataka („Službeni glasnik Bosne i Hercegovine“, broj: 54/05 i 12/09) i drugim zakonima i propisima.

Član 79.

(Razmjena podataka)

- (1) Ministarstvo i Uprava policije mogu razmjenjivati podatke s policijskim i drugim nadležnim organima u Bosni i Hercegovini:
- a) u svrhu uspostave i funkcionisanja baza podataka koje će koristiti policijski i drugi nadležni organi u Bosni i Hercegovini;
 - b) u svrhu uspostave i funkcionisanja sistema razmjene podataka s policijskim i drugim nadležnim organima u Bosni i Hercegovini;
 - c) u druge svrhe, u skladu sa važećim zakonima i drugim propisima.
- (2) Podaci iz stava (1) ovog člana se odnose na poslove policijskih organa, ministarstava i drugih nadležnih organa u Bosni i Hercegovini.

Član 80.

(Ovlasti policijskih službenika drugih policijskih organa na teritoriji Kantona)

Policijski službenici Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine i Federalne uprave policije kod vršenja poslove iz svoje nadležnosti imaju sve ovlasti na teritoriji Kantona kao i policijski službenici Uprave policije.

Član 81.**(Vršenje poslova izvan teritorije Kantona)**

Uprava policije može direktno sa Federalnom upravom policije, drugim kantonalnim upravama policije, Ministarstvom unutrašnjih poslova Republike Srpske i sa Policijom Brčko Distrikta utvrditi uslove pod kojima policijski službenici mogu vršiti određene zadatke ili poslove na području drugog policijskog organa, te uslove pod kojim policijski službenici tih organa mogu vršiti određene poslove i zadatke na području Kantona.

Član 82.**(Krivična djela u nadležnosti drugih policijskih organa)**

- (1) U slučaju da, vršeći zadatke iz svoje nadležnosti, otkrije da se priprema izvršenje ili je izvršeno krivično djelo iz nadležnosti drugih policijskih organa u Bosni i Hercegovini, Uprava policije preduzima neophodne mjere i aktivnosti na sprečavanju izvršenja tog krivičnog djela ili pronalaženju i lišavanju slobode učinioca krivičnog djela.
- (2) Nakon preduzimanja mjera i aktivnosti iz stava (1) ovog člana, Uprava policije će odmah obavijestiti policijski organ nadležan za ta krivična djela.

DIO ČETVRTI – PRELAZNE I ZAVRŠNE ODREDBE**Član 83.****(Podzakonski propisi koje donosi Vlada Kantona)**

- (1) U roku od šest mjeseci od dana stupanja na snagu ovog zakona, Vlada Kantona će na prijedlog ministra donijeti:
 - a) Uredbu o osiguranju određenih ličnosti i objekata u Kantonu iz člana 11. ovog zakona;
 - b) Uredbu o obliku, sadržaju i načinu korištenja zaštitnog znaka Ministarstva iz člana 12. ovog zakona.
- (2) U roku od tri mjeseca nakon donošenja Pravilnika o unutrašnjoj organizaciji Ministarstva na prijedlog ministra i policijskog komesara Vlada Kantona donosi odluku iz člana 60. stav (4) ovog zakona.

Član 84.**(Podzakonski propisi koje donosi ministar)**

- (1) U roku od šest mjeseci od dana stupanja na snagu ovog zakona ministar će, uz saglasnost Vlade Kantona, donijeti Pravilnik o unutrašnjoj organizaciji Ministarstva iz člana 15. stav (1) ovog zakona.
- (2) U roku od šest mjeseci od dana stupanja na snagu ovog zakona ministar će na prijedlog policijskog komesara donijeti:
 - a) Pravilnik o uslovima, načinu i postupku korištenja odobrenih finansijskih sredstava iz člana 7. stav (4) ovog zakona,
 - b) Pravilnik o načinu rada Jedinice za profesionalne standarde iz člana 18. stav (4) ovog zakona,
 - c) Pravilnik o informisanju javnosti iz člana 20. stav (2) tačka h) ovog zakona,
 - d) Pravilnik o izgledu, sadržaju i upotrebi službene iskaznice državnih službenika i namještenika Ministarstva i Uprave policije iz člana 60. stav (2) ovog zakona,
 - e) Pravilnik o nagradama i priznanjima iz člana 66. stav (4) ovog zakona.
- (3) U roku od šest mjeseci od dana stupanja na snagu ovog zakona, ministar će, uz saglasnost policijskog komesara, donijeti pravilnik o izgledu, obilježavanju i korištenju vozila Ministarstva i Uprave policije iz člana 13. ovog zakona.

Član 85.**(Prelazne odredbe o mandatu imenovanih)**

- (1) Izuzetno od odredbi člana 28., 39. i 57. ovog zakona, članovi Nezavisnog odbora, policijski komesar kao i predsjedavajući i članovi Ureda, imenovani na tu poziciju u skladu sa zakonom i drugim propisima koji su bili na snazi prije stupanja na snagu ovog zakona, ostaju na toj poziciji do isteka svog mandata.
- (2) Danom početka primjene ovog zakona članovima Nezavisnog odbora i Ureda imenovanim iz reda zaposlenih u Upravi policije prestaje mandat.

Član 86.**(Prelazna odredba o primjeni važećih propisa)**

- (1) U roku od 60 dana od početka primjene ovog zakona potrebno je sa ovim zakonom uskladiti odredbe Zakona o ministarstvima i drugim tijelima kantonalne

uprave („Službene novine Zeničko-dobojskog kantona“, broj: 10/15), Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17) i Poslovnika o radu Skupštine Kantona u vezi sa Nezavisnim odborom i Uredom za pritužbe javnosti.

Član 90.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“, a primjenjivat će se od 01.01.2019. godine.

- (2) Do donošenja propisa iz člana 84. ovog zakona primjenjivat će se propisi koji su se primjenjivali do dana stupanja na snagu ovog zakona.
- (3) Instrukcije i uputstva iz nadležnosti policijskog komesara doneseni prije stupanja na snagu ovog zakona ostaju na snazi do donošenja novih, a najduže šest mjeseci od dana stupanja na snagu ovog zakona kada isti prestaju važiti.

Broj: 01-02-14162/18 **PREDSJEDAVALAČI**
Datum: 17.09.2018. godine
Zenica **Jasmin Duvnjak, s.r**

.....
345.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj dana 17.09.2018. godine, d o n o s i

Član 87.
(Imovina koju koristi Ministarstvo i Uprava policije)

Imovina Kantona koja je prenesena na korištenje dana 31.12.1996. godine i koju Ministarstvo i Uprava policije koriste na dan stupanja na snagu ovog zakona, kao i imovina koju Ministarstvo stekne nakon stupanja na snagu ovog zakona je imovina Kantona.

ZAKON
O IZMJENAMA I DOPUNAMA ZAKONA O
NABAVLJANJU, DRŽANJU I NOŠENJU ORUŽJA I
MUNICIJE

Član 88.
(Diobni bilans)

U roku od šest mjeseci od dana stupanja na snagu ovog Zakona ministar i policijski komesar će donijeti odluku o diobnom bilansu stalnih sredstava i sitnog inventara Ministarstva i Uprave policije.

Član 1.
(Dopuna člana 6.)

U Zakonu o nabavljanju, držanju i nošenju oružja i municije – Prečišćeni tekst („Službene novine Zeničko-dobojskog kantona“, broj: 9/13 i 1/14), u članu 6. stav (1) iza tačke nn) tačka se zamjenjuje zarezom i dodaje nova tačka oo) koja glasi:

Član 89.
(Prestanak primjene važećih propisa)

- (1) Danom početka primjene ovog zakona prestaje da važi Zakon o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05, 9/09 i 2/18).
- (2) Danom početka primjene ovog zakona prestaje da važi Uredba o uredu za pritužbe javnosti - Prečišćeni tekst („Službene novine Zeničko-dobojskog kantona“, broj: 12/09 i 11/10).
- (3) Danom početka primjene ovog zakona prestaje da važi Odluka o utvrđivanju 15. maja kao Dana policije Zeničko-dobojskog kantona („Službene novine Zeničko-dobojskog kantona“, broj: 4/04).

"oo) airsoft i paintball naprave su puške i pištolji, odnosno sportski rekviziti namijenjeni izbacivanju plastičnih, gumenih ili želatinoznih projektila na isti način kao i vazdušno oružje, s tim da mogu imati veći kalibar od navedenog i mogu raditi u automatskom režimu i da je energija projektila manja od energije navedene za pojam vazdušnog oružja."

Član 2.
(Dopune člana 6a.)

U članu 6a. stav (1) Kategorija C iza tačke 4) na kraju teksta tačka se zamjenjuje zarezom i dodaju nove tačke 5) i 6) koje glase:



Godina XXVI - Broj 10

ZENICA, ponedjeljak, 05.07.2021.god.

SKUPŠTINA

251.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON
O IZMJENAMA I DOPUNI ZAKONA O
UNUTARNJIM POSLOVIMA
ZENIČKO-DOBOJSKOG KANTONA**

**Članak 1.
(Izmjena članka 33.)**

U Zakonu o unutarnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20) u članku 33., točka d) mijenja se i glasi:

"d) da ima čim glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu."

**Članak 2.
(Izmjena članka 39.)**

U članku 39., stavak (4) riječi "glavnog inspektora" zamjenjuju se riječima "koji je imao prije imenovanja".

**Članak 3.
(Dopuna članka 42.)**

U članku 42., stavak (1) iza točke f) dodaje se točka g) koja glasi:

"g) u slučaju ispunjavanja uvjeta za mirovinu predviđenih zakonom;"

**Članak 4.
(Stupanje na snagu i objavljivanje)**

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-9019/21

Datum: 25.06.2021. godine

Zenica

PREDSJEDATELJ

Ćazim Huskić, v.r.

252.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON
O IZMJENI I DOPUNAMA ZAKONA O JAVNOM
REDU I MIRU**

Članak 1.

U Zakonu o javnom redu i miru - Pročišćeni tekst ("Službene novine Zeničko-dobojskog kantona", broj: 12/16 i 6/17), u članku 3. stavak 1. iza točke 28. dodaje se nova točka 29. koja glasi:

" 29. ko ne postupi po naredbi mjerodavnog organa kojim se propisuju mjere za zaštitu stanovništva od zaraznih bolesti."

Članak 2.

U članku 6. iza točke 4. dodaje se nova točka 5. koja glasi:

" 5. za prekršaj iz člana 3. stav 1. točka 29., novčanom kaznom od 100 do 500 KM".



SLUŽBENE NOVINE

ZENIČKO - DOBOJSKOG KANTONA

Godina XXV - Broj 21

ZENICA, četvrtak, 17.12.2020. god.

SKUPŠTINA

537.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 29. sjednici održanoj dana 15.12.2020. godine, donosi:

ZAKON O IZMJENAMA ZAKONA O UNUTARNJIM POSLOVIMA ZENIČKO-DOBOJSKOG KANTONA

Članak 1. (Izmjena članka 6a.)

U Zakonu o unutarnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19 i 22/19) u članku 6a. tekst "01.01.2020. - 01.01.2021." zamjenjuje se tekstem "01.01.2021. - 01.01.2022.".

Članak 2. (Izmjena članka 90.)

U članku 90. tekst "01.01.2021." zamjenjuje se tekstem "01.01.2022.".

Članak 3. (Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se počev od 01.01.2021. godine.

Broj: 01-02-19390/20
Datum: 15.12.2020. godine
Zenica

PREDSJEDATELJ
Čazim Huskić, v.r.



SLUŽBENE NOVINE

ZENIČKO - DOBOJSKOG KANTONA

Godina XXIV - Broj 22

ZENICA, ponedjeljak, 16.12.2019 god.

SKUPŠTINA

544.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

ZAKON O IZMJENAMA ZAKONA O UNUTARNJIM POSLOVIMA ZENIČKO-DOBOJSKOG KANTONA

Članak 1.

(Izmjena članka 6a.)

U Zakonu o unutarnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) u članku 6a. tekst "01.01.2019. - 01.01.2020." zamjenjuje se tekstem "01.01.2020. - 01.01.2021."

Članak 2.

(Izmjena članka 90.)

U članku 90. tekst "01.01.2020." zamjenjuje se tekstem "01.01.2021."

Članak 3.

(Stupanje na snagu)

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2020. godine.

Broj: 01-02-18175/19
Datum: 16.12.2019. godine
Zenica

PREDSJEDATELJ

Čazim Huskić, v.r.

545.

Na temelju članka 37. stavak 1. točka g) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

IZMJENE I DOPUNE PRORAČUNA ZENIČKO - DOBOJSKOG KANTONA ZA 2019. GODINU

I. OPĆI DIO

Članak 1.

(Sadržaj)

U Proračunu Zeničko-dobojskog kantona za 2019. godinu („Službene novine Zeničko-dobojskog kantona“ broj:3/19) članak 1. mijenja se i glasi:



Godina XXIV - Broj 6

ZENICA, ponedjeljak, 20.05.2019 god.

SKUPŠTINA

18.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 8. sjednici održanoj dana 20.05.2019. godine, d o n o s i:

**ZAKON O DOPUNAMA
ZAKONA O UNUTARNJIM POSLOVIMA
ZENIČKO-DOBOJSKOG KANTONA**

**Članak 1.
(Novi članak)**

U Zakonu o unutarnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18), iza članka 6. dodaje se novi članak 6a. koji glasi:

**„Članak 6a.
(Sredstva za rad Uprave policije)**

Sredstva za rad Uprave policije, za period 01.01.2019. – 01.01.2020. godine, osiguravaju se u Proračunu Zeničko-dobojskog kantona u okviru proračunske organizacije Ministarstva unutarnjih poslova.“

**Članak 2.
(Dopuna članka 90.)**

U članku 90. interpunkcijski znak točka na kraju teksta se briše, dodaje se zarez i riječi "izuzev odredbi članaka 7., 8., 22. stavak (1) točka h), i) i j), članka 60. stavak (4), 61. stavak (2), 63. stavak (2), 64. stavak (3), 75. stavak (1) i članka 84. stavak (2) točka a), koje će se primjenjivati počev od 01.01.2020. godine“.

**Članak 3.
(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2019. godine.

Broj: 01-02-8308/19
Datum: 20.05.2019. godine
Zenica

PREDSJEDATELJICA
Amira Hadžić, v.r.